

ORATIONES
AD VRBANVM VIII.
PONTIFICEM MAXIMVM,

159
107
18

Diebus à Sede Apostolica Religioni S. Mariæ
Seruorum assignatis,

*Habitæ à Fr. NICOLAO CEO de Cremona ,
eiusdem Ordinis Procuratore Generali.*

Nunc primùm diligentia Fr. PEREGRINI FASANI de
Bononia, eiusdem Ordinis, in lucem editæ,

Atque

COLLEGIO APOSTOLICO
CONSECRATÆ.


34-10-F-12-

BRISTOL
POM
LONDON



ROMÆ, Apud Hæredem Bartholomæi Zannetti. 1628.

SUPERIORVM PERMISSV.



ILLVSTRISSIMIS,
ET REVERENDISSIMIS
PVRPVRATIS
PATRIBVS.



*PERAT opus lucem, vos ergo spi-
rat, & ambit;*

*Ambit, & ad Vestrae lucis anhe-
lat opem.*

Vos lux estis, opus praesens lucem exigit; ergo

Non aliud quam Vos lumen habere petit.

Ad Pontificias Apes.

S *Acram iustitiæ faciem lux digna serenat ;
 Aculeum cuius brachia sacra gerunt .
 In medio pia flamma sinu feruescit amoris ,
 Ex cuius digno pectore cera fluit .
 In labris tandem dulcis facundia floret ,
 Mellifluo cuius manat ab ore liquor .
 De throno aculeus , prodit de pectore cera ,
 Nectareique fauus mellis ab ore fluit .*

Aliud.

I *Nter Apes Regem communis fama fatetur ,
 Qui reliquis Apibus nobilitate præest .
 Sed tres hic video trino diademate cinctas :
 Inter Apes igitur, plurima regna vigent ?
 Plurima si vigeant, non sunt diuisa, supremi
 Dummodo subiaceant Principis imperio .
 Sic non tres Reges , sed Rex erit vnicus Orbis
 V R B A N V S , trinas qui moderatur Apes .*

Fr. Gabriel Gallus Min. Conu. Baccalaureus Colleg. D. Bonau.

5 161 101

Ad Auctorem Operis.

D*Vm NEIKOLAVS adest, laus & victoria regnant :
Nam proprium, ut legere est, nomen utraque sonat.*

Mox nato, & noto laus, & victoria Regi.

Debentur Regum, mystica dona docent.

Quid NEIKOLAVS agit? NEIKOLAI munus adimplet,

Qui dum est Orator, semper Ouator adest.

Quidquid agat, semper NEIKOLAVS permanet, ergo

Dum tanti arcani nuncius orat, ouat.

Fr. Gabriel Gallus Min. Conu. Baccalaureus Colleg. D. Bonau.

Aliud.

Q*uam benè dispositos operoso carmine versus
Promis, quam dulci pectora melle linis!*

Mox iucunda affers intento gaudia cordi,

Hinc lingua lacrymas elicit ipse tua.

Decedat Cicero tibi, quin & cedat Apollo,

Detque tibi numeros casta Minerva suos.

Thracius ipse tuis decedat cantibus Orpheus:

Ille rapit quercus, tu benè corda rapis.

Aliud.

F*Loribus en medijs floret Nicolaus, & ille,
Quarum sit proprium mellificare, fauent.*

Floribus hac varijs texunt dum nectar, & iste

Inferit in varios florida dicta modos.

Melle avidos pascunt quando ille hinc indè susurrant,

Dulcia mella, fauus, huius ab ore fluunt.

Fr. Urbanus Bonebellus Brixien. Ord. Seruorum.

Aliud.

MEllea, Cce tibi, facunda flumina lingua
 Fertilis ingenij viuida prata rigant:
 Ingenij hinc viuax in flores se induit Hortus,
 Vnde V R B A N A trahat munera mellis A P I S.
 At sacer hic fluuius sacra dat mēsis honorem,
 Sacra etenim sacro flumine prata virent.
 O age A P I S tanti decerpe hac munera Prati,
 Nam diuina sacer flos tibi mella dabit.

Franciscus Saccus Rheginus.

In laudem emittentis in lucem opus.


ECce Peregrini studio peregrina fruuntur
 Luce, hac non licuit tempore posse tegi.
 Auctor amat tenebris muto hac donare sepulchro,
 Aeternis tradi mensibus alter amat.
 Attamen hic postquam certando vincit, ad hostem,
 Desine iam, dixit, Viuere gaudet opus.

Fr. Vrbanus Bonebellus Brixien. Ordinis Seruorum.

AD LECTORES.

162

110



VI primùm functus officio, quo Romam vocatus, ad propriam Prouinciam, & lares regressum instare cognoui; reuoluebam animo, quod gratum munusculū amicis; quando meorum nihil aspectu dignum est, potuissē saltem offerre alienum. Statim venit in mentem, Orationes quasdam in Collegio Apostolico, diebus assignatis meo Ordini Seruorum ad orandum in Capella Sanctissimi Domini Nostri, habitas à P. Magistro Nicolao Ceo Cremonensi, in Romana Curia Procuratore Generali, apud me ex industria seruatas, dum eidem à secretis coniunctus essem; quæ vsque

A 4 in

in hanc diem, ne lucem aspicerent, effecerat eiusdem Patris modestia singularis; Typis demandare, Collegioq. Apostolico consecrare. Quod nunc ex animo præsto; sperans hoc meum consilium quampluribus placitum; præsertim artis oratoriæ peritis, qui auribus proprijs audierunt linguam, miro verborum fonte fluentem,

Has dum fundebat diues facundia gemmas;
 Necnon prouinciæ Mantuanæ, talis spectabilis filij matri, quæ ipsum genuit, & aluit. Qua sum in re Pharaonis filiam imitatus, dum Moysen Nilo fluctuantem, ab aquis eripuit. Accipiant igitur Lectores ex harum lectione vberissimam, atque eandem voluptatem, quam totum Collegium Apostolicum excepisse fertur, dum illas Vir egregius eructabat.

O R A -



ORATIO

IN EPIPHANIA DOMINI

Habita die sexta Ianuarij 1626.



ERVATORIS nostri Nat-
lia insuetæ plena fuisse lætitiæ
(BEATISSIME PATER) na-
tura oleum, præter vim fonti-
bus elargita demonstrat: An-
gelorum oracula è Cœli trip-
de Terris pacem nunciantia,
deprædicant: ipsa denique Pastorum munera pri-
ma Christianæ obedientiæ authoramenta testan-
tur. At enim qui vitæ filum lætis adeò ordieba-
tur initijs, felici idem processu pertexit hodierna
die. Qua die insolenti stellæ lumine, inusitataque
Regum peregrinatione, omnium quotquot sunt
hominum mentes hilarat, & oblectat: vt mirum
planè sit in tanta gaudiorum messe, solum infan-
tem recens natum, communis lætitiæ seminarium,
sibi

sibi doloris manipulos metere, altos scilicet gemitus trahere, & lacrymis cunas iugiter irrigare. Mearum proinde partium erit, dum pro veteri Seruorum Familiæ instituto hodiernæ Orationis pensum exsoluo, tanti gaudij, tantique mœroris continuo argumenta percurrere, & rem immensam ea breuitate tractare, vt in hac hyemalis Cœli festinatione, ipse quoque, traducta in compendium causa, videar festinasse.

Si quæ vnquam ex omni præteritæ sæculorum memoria, Romanæ, hoc est vniuersalis Ecclesiæ, maiestatis argumenta extiterunt, (extiterunt autem innumera) quibus generosæ matris nobilis soboles digna efferatur alacritate: hæc hodierno Regum ex vltimis Terræ finibus ad Dei cunabula aduentui cedere, nemo vestrum, opinor, inficiabitur. Enimuerò sanè machinabatur iam tum in cunis Restitutor mundi, operosam Ecclesiastici Regni molitionem; quibus dum sceptræ, & falces potentes terræ, prudentes sæculi demittunt, Ecclesiæ Regno demittunt, cuius Cathedræ dignitas, velut arbor in surculo, in Regij infantis præsepio præmonstrabatur. Neque enim infantulum ex plebe aliquem in alieno solo disquirunt Reges, ad altæ manum tendere assueti, intacta transire iacentia, nec infra coronæ verticem aliquando oculos iaculari. Purpura hodierna luce purpuram cogitat; sceptræ loquuntur diademata: regia meditantur

Matth. 2. Reges; & nata terris imperia, spondente stella,

Ubi

Ubi est, clamant, qui natus est Rex Iudaorum?
 Desierat ante annos duo de triginta in Assamoneorum Familia sceptrum Iudæ; Dux scemoris eius omnis Herodianis dolis lugebatur amissus; & rerum Hebraicarum summa in sanguinarias sæuissimi lanistæ manus inciderat: quo circa nihil supererat, nisi vt, ex antiquorum prædictionibus, Cælo dilapsus Rex nasceretur in Israel; Regnumq. Iudaicum, quod acto in crucem Antigono extinctum fuerat, per crucem restitueret, atque amplioribus spatijs locupletaret. Porro autem consentientibus gentium votis, vt Rex iste reciperetur, mens Dei fuit in aeris pegmate, quasi in mundi profcenio, stellam pingere; quæ non aspicientium dumtaxat oculos insuetæ claritatis fulgoribus illustraret, sed & quæ mentes prodigiosa luce perfunderet, & ad Regiæ cunæ indaginem excitaret. Dederat quidem Deus (quod neminem latere arbitror) inde ab vltima vetustate Synagogæ Prophetarum oracula ceu tabulas, ex bono exemplo transcriptas, quibus Ecclesiæ futura amplitudo verbis nequaquam dubijs significabatur. At verò præsciens allaturos Hebræorum sapientes oraculis obscuritatem: Scribæ, inquit Leo, ad morem periti, vni partium exemplaria cognoscenda porrigit, sibi tamen originaria scripta cōtinuò seruat; pollicetur quidē Abraamo nobilem, immensamq. posteritatem, quasi stellas Cœli; sed Cœlo interea pollicitationis exēplum condit: vt cū putent illi nefariè Scripturis imponere,

Dio histor.
lib 49.

Serm. 3. in
Epiph.

Pfal 88. nere, vero decipulas tendere, & exemplorum faciem, verborum fūco mentiri, *confiteantur Cæli mirabilia eius*, prodeat stella, testis è Cælo fidelis, promissi regni exordia gentium Regibus ostentatura. Decurrunt igitur Magi ex vltima Arabiæ Magodia, quos tantæ virtutis lumen exciuerat in agnitionem conditoris Regnorum maximi: & stellæ ductricis radijs, igneis veluti quadrigis, feruntur per abrupta montium, per vallium inuia, per squalentes arenarum tractus, per tostas vehementissimo Solis appulsu regiones, per æterno frigore rigentes plagas. ac vbi Iudææ fines attingunt (vt erant eruditi in prudentia sæculi) sub auro statim, & marmore Christum quærunt; in demæniata Ierosolymorum spatia conuertunt oculos; sed stellam amittunt; nimirum campos amat, non clauditur marmore libertatis Assertor; & mœnia Ecclesiastico Imperio; (vt cum Bernardo loquar) nec Sol ipse præscribit: ex camporum stabulis, & rusticorum mapalibus se trudit Ecclesia, pusillus grex imprimis; at melioribus deinde afflata syderibus, victrix, triumphatrixque vniuersi, tranat maria, disiunctissima quæque regionum volitat, & locupletissima regnorum accessione propagatur. Visendæ ergo Ierosolymis Regiæ expectatione frustrati, vrbe exeunt; cùmque pedem efferunt, stellam itineris comitem rursus habent; sequuntur præeuntem, & eius statione ductricis, nullis retrò visa sæculis præsepia offendunt, quæ cœli depositum, diuinitatis concla-

Ser. Epiph.

conclauē excipiebant . Hīc fingite vobis animis
 agrestem domum , desertam , semirutam , frigidæ
 tempestati , ventorumq. flatibus vndique peruiam ;
 nihilo tamen minus , inquit Hieronymus , hæc do-
 mus , quam fax terris submissa magna dignitate cō-
 uestit , sanctior est rupe Tarpeia , quæ sæpius fulmi-
 nata ostendit quòd cœlo displiceat . Grande aliquid
 intus geritur , & omni ratione , omni etiam cogi-
 tatione maius . Deus , ipse Deus ex Deo Patre æter-
 nūm natus , virgine vtero conceptus , Virgine rur-
 sus natus , inter palustres tugurij cannas , & peco-
 rum anhelitus , Virginis lacte nutritur ; humano ve-
 stitus corpūculo gestatur sinu materno vt paru-
 lus , qui adoratur vt Deus : paruulus in præsepio ,
 immensus in Cœlo : vilis in pannis , pretiosus in stel-
 lis . Proh sanctam Fidem ! quis tum fuit nostrorum
 Magorum sensus ? qui motus ? qui animus ? quæ
 mens ? cū intrantes domum , Diuinitatem in sta-
 bulo , maiestatem in fœno , omnipotentiam in fa-
 scijs , Verbum ineffabile infans peruiderunt ? pro-
 ruerunt illicò in genua ; nam qui per stellam foris
 admonuit , ipse in occulto cordis edocuit , paru-
 lum in fœno iacentem , sponsum esse filiæ gentilis ,
 qui in ea ætatula nuptias accelerauerat , vt citius du-
 cta Ecclesia , terræ , cœlique discordiæ componeren-
 tur . Ad pedes igitur infantis demississimo corpo-
 ris habitu prouoluti adorant in carne Verbum , in
 infantia sapientiam , in infirmitate virtutem , in ho-
 minis veritate Dominum maiestatis , atque obedi-
 tiam

Ad Marc.
 epist. 18.

Fulg. ser. 5.
 in Epiph.

Bern. serm.
 Epiph.

Leo ser. 1.
 Epiph.

tiam illi, adorationemque totius Gentilitatis nomine præstiterunt. Et quia Reges nefas erat ad Regem sponsum accedere sine donario, reclusis thesauris obtulerunt ei egregia fidei pignora, aurum, & aromata.

Prudentius. *Miratur Genitrix tot casti ventris honores,
Seque Deum genuisse, hominem, Deumq. supremum.*

Vidisses illic Diuinum puerum fronte in maiestatem composita, ita grauem, vt terreret; ita amabilem vt alliceret; brachiola in amplexum Legatorum Gentilitatis extendere, pedes ad oscula exhibere, & ore silenti hæc in eorum corda verba suauissima influere. *Charitate perpetua dilexi te; desponsabo te mihi in sempiternum, vocabis me deinceps, Vir meus, Dux virginis meae; non vocabit me ultra Baali: & dicam non populo meo, populus meus es tu.* Hæc sunt plena gaudiorum spectacula, quæ anniuersario cultu omnium fidelium mentibus adornantur. Quocirca in hoc Regum aduentu, in quo solenne venerationis obsequium Romanæ Ecclesiæ Capiti exhibendum expressum fuit, nostrum esset summis gestire lætitijs, voluptatibus efferrî animorum, & alacritatis fontibus absorberi.

Sed aliò nos vocant eiulatus Infantis; abstergendæ scilicet nobis sunt diuinæ prolis lacrymule, quæ inter iucunda Regum obsequia, cunabula fonte vberissimo perfundendo, eiulat, ingemit, lamentatur, conceptæque ante lætitiæ sensus omnes imminuit, interturbat. Nos lamentorum in causa sumus,

sumus : nos infantem dulcissimum ad tantas, tamq.
 frequentes lacrymas excitamus; qui stella fidei du-
 ctrice in meliorem sortem traducti; qui sui sangui-
 nis purpura tincti; qui in Regale Sacerdotium vo-
 cati, & quasi regio paludamento exornati, obli-
 uiosi, immemores, vel etiam supra hæc nomina
 peccantes, nullum ipsius puluinari donarium af-
 ferimus. Sistamus aliquando paruuli fletum, &
 Regum munificentiam imitati, quando ad Regij
 apicem euecti sumus, abijciamus ad ipsius pedes;
 seu potius, votiuam quasi tabellam nostræ deuotio-
 nis interpretem, suspendamus cunarum tholo Au-
 rum pœnitentiæ, charitatis fornacibus pro-
 batum, purgatum septies; Myrrham
 animæ mœrorum fontibus lo-
 tæ; Thura, non sudata
 arboribus, sed
 effusa
 oculis lacrymarum.
 Dixi.





ORATIO

IN DOMINICA PASSIONIS

DOMINI

Habita die 29. Martij 1626.



HEM mutatam hodierna die
faciem Ecclesiæ, (BEATIS-
SIME PATER) quæ se ad
annua Dei hominis parenta-
lia peragenda componit; sui
illa sponsi complorare imma-
nissimam necem parat; & mul-
to ante quàm cœli cursus reuoluat, acerbam illam
lucem, ne dicam lugubres tenebras, qua palma-
ri Iudæorum scelere per summos cruciatus cruci
suffixus

suffixus est humani generis sospitator, pulla in veste se comparat ad lacrymas; ut habitum induta tristitiæ, renouet in nostris animis lamentabilis euentus recordationem. Ita illa sanctissimè hoc mœsto rerum apparatu excitare nostra pectora, percellere ad dolorem, inuitare ad suspiria contendit: porrò autem edocere non anniuersariam, solum esse debere Christi pro nobis demortui commemorationem, sed anticipatione mentis præconceptam, iugem tanti, & mysterij, & beneficij infigendam cordi contemplationem.

Et verò hoc illud collimat, quod in Canticis de lectissima Salomonis sponsa in capillaturæ structura commendat Spiritus sanctus, cum ait: *Coma eius sicut purpura Regis vineta canalibus*. Nimirum cincinnos sponsæ eleganter dispositos, certa lege per interualla discriminatos, qui miram exhiberent oculis illecebram, & Regem ad amandum pellicerent, cogitationem esse fidelis animæ non herbarum succis, aut concharum alueis, sed venarum balneis, & illius cruoris canalibus purpuratam, quo Christus Rex Regum apex, veluti dato captiuitatis pretio libertatem attulit homini, & quasi dotali pignore Ecclesiam sibi in sponsam auctorauit. O quæ hic intimè peruadens in adita tanti mysterij cognoscit beneficia, quæ decora, & honestamenta recepisse, vnam se (sterili, & effœta Synagoga repudiata) ad Crucis thalamum maritali iure vocatam esse, & sacramentorum diuitijs, ceu do-

Cant. 7.

te munificentissima donatam, funesta quamquam memoria recordatur! Neque enim sine causa putandum est eo Iesum corporis habitu expirasse, ut ab Ierosolymis, & Iudæis auersus, Occidentem, & hanc ipsam Urbem, hanc Sedem Petri, hanc Romanam Ecclesiam intueretur. Verè enim tunc per cancellos vulnerum nouæ sponsæ decorem adamabat: surgebat ex veteri Isaia vaticinio signum in Nationes; & nobis percutiebatur silex ille fortitudinis, ut fluxu vberissimo sanguinis, vestrae (Amplissimi Patres) tingerentur purpuræ, tuum istud regnum (BEATISSIME PATER) excitaretur. Enimuerò sanguis Christi (inquit Ambrosius) purpura est, quæ Sanctorum animas induit, non modo colore resplēdens, sed etiam potestate. Tibi quidem igitur Ecclesia, clementissime Christe, his diebus, quibus consceleratis sicariorum manibus, pro tuis mortem oppetere voluisti, pullata in vestibus, deiecta in genis, luctuosa in oculis, mærorem vndique, & comploratum efferens parentat. Dat hoc tanto mysterio, quod omnem superat humanum non solum sensum, sed captum, quod vincit creaturam omnem non solum facultatem, sed mentem. Dat accepto beneficio immenso; dat prolixè, exaggeratèque ingenti hominum benevolentia; sed suæ etiam hoc fidei, & sponsæ authoramento concedit, quod se in mœstissima hac facie agnoscit decoram, in probris illis gloriosam, in infirmitate fortem, in captiuitate liberam, in blasphemijs in se iactatis lauda-

Serm. 17.
psal. 118.

laudatam, in flagris speciosam, in elusa maiestate
 deridiculo diademate regale Sacerdotium, genus
 sanctum, regnum factam, non occasuri dominij
 falces obtinuisse: In tuo funere tandem, suam,
 omnium fidelium vitam. Quinimo etiam mihi
 referre illius diei funebrem excitatam ubique pom-
 pam lugentem orbem sui Creatoris obitum ho-
 diernis luctu, & squallore videtur Ecclesia. Sol enim
 ipse, cœlum vniuersum eo die subducta veste Do-
 mini sui lacrymaturum funus aspectum negauit.
 Orbis quotus est omnis, offusis vndique tenebris, sui *Matt. 27.*
 conditoris in nece mœstus contremuit. Et quo-
 niam iam oculi, illa videlicet cœlorum lumina, de-
 ducta luce, lacrymas indices, & argumenta mœro-
 ris ediderant, ipse horrendis fatiscens hiatibus, in-
 fremens motibus atrocissimi euentus, in Molitore
 suo conqueri visus est necem. Salomonis Tem-
 plum horruit victimas, excussit honestamenta, di-
 lacerato velo, violati Diuini numinis indoluit maie-
 statem. Angelicæ illæ, illæ beatæ mentes, quæ ma-
 teriæ nesciunt consortium, alienæ à sensu, funestis-
 simi casus acerbiter edicente Creatore sense-
 runt, applorarunt. Hoc igitur agit Ecclesia ho-
 dierna die, vt tota sit in squallore, & memoria acris
 illius diei; vt sponsi funus, quo tam insignibus ho-
 nestata est ornamentis, celebret mœrore quo ma-
 ximo, lacrymabundas præficas comparat, atrat al-
 taria, mutat diapsalmata, tristes occinit nœnias, ve-
 xillum illud, illud labarum luctuosi certaminis

Matt. 27.

pandit, & vbiq; dolentis faciem decolorem effingit.

Sed quid loquor? nos illo in squallore, illo inluctu nos inuitat, ac impellit ad lacrymas; nobis ista mœrentis Ecclesiæ species proponitur, nobis ista doloris spectra efferuntur, qui in libertatem afferti, qui in gratiam reuocati, qui in amicitiam sumus restituti. Omnia scilicet in sordibus suspirijsq; iacebunt; vnus homo, in quem tantum patuit beneficium, à lacrymis temperabit? lugebunt Angeli illius mortem, quem cœlestium sedium restauratorem agnoscunt; reprimemus nos fletum, dum mortuum nostri generis cernimus reparatorem? dolebunt illi Christi lamentabilem vicem, quod indignissimæ internecioni succumbat, quem Dominum reuerentur suum; inhibere planctum, compescere, singultus poterit homo, dum sibi patibulatum, sibi cruciarium factum, sibi demortuum contemplatur. Durum hominis pectus (clamat hac in re Bernardus) cor saxeam, non carneum, durissimis adamantibus durius, quod Solis, Lunæ, Stellarum, immò & Angelorum fletibus emolliri nequaquam potest. Itanè creaturæ omnes, vel sensu expertes, in exlegi Creatoris sui nece, exleges lamentabuntur; homo autem sensu, & ratione donatus, reparatoris sui ferum, immanissimum casum non sentiet? O pœnitendam indolentiam, ò dolendam incogitantiam! Hoc est, quod exprobrat Euangelicus ille buccinator, in nobis esse proscriptum.

Chri-

Serm. de
Iud. vii.

169
117

Christum Dominum ; quem in nobis crucifixum
habere deberemus : quia nunquam in tragicam il-
lam funestissimam scenam mentis oculos conuer-
timus , en explicat illam nobis Ecclesia ;
funeris acerbiter restituit , & exci-
tato mœrore tanti beneficij me-
moriæ , ut ne anniuer-
sariæ demus con-
suetudini ,
sed
ferio dolori , atque recor-
dationi , deposcit .
Dicebam .





ORATIO

IN EPIPHANIA DOMINI

Habita die 6. Ianuarij 1627.



Plutar. in
Lycur.

GRANDE aliquid geritur in
Bethlehemi suburbano Præ-
sepio, quod suæ magnitudinis
indicem stellam habet. & re-
currit animo religiosa Epho-
rorum vesania, quos apud Spar-
tas accepimus sub dio perno-
ctare solitos, ut si quam stellæ imaginem ex aeris
pegmate cadere cõpexissent, Reges suos postremo
aliquo facinore Deorum iram concitasse denuntia-
rent: Præclara sedenim anthitesi hodiernæ nobis
imago stellæ denuntiat, cœlestem Regem inter pa-
lustris tugurij cannas egregium aliquod opus per-
petrasse,

petrasse, quod mortaliū in se cogitationem sollicitet, mentem stupore defixam admiratione percellat, amorem conciliet. De hoc igitur insigni Dei nuperrimè corporati facinore liceat mihi ex hoc stellæ aspectu, quasi ex cœli alphabeto, & tabula, apud Te summæ christianæ Reipublicæ Ephorum, orationem pertexere.

Enimuerò quoniam in rerum contemplatione Diuinarum mens mortaliū peregrinatur; & nisi per vmbas, & velamina offusa ipsa diuinæ lucis pompa se explicet, omnino contorquet, ad sua mysteria seriò recolenda quibusdam spectris, ceu stimulis, animos nostros excitare consuevit Deus. Itaque quam æternitate conceperat humanæ gentis reparationem, cū admoliri in tempore statuisset: sui hoc altissimi consilij mysterium, sacris ante Prophetarum vaticinijs expositum, admirandis voluit præter naturæ consuetudinem prodigijs contestari. Et vt sexcenta omittam Phænomena ipsius Natalis celebratissima, hodiernam stellam beneficis Diuini solis ortus accendit; scilicet *Gen. i.* ex primogenis aquis inter nascentis Mundi cunabula ardentes stellarum ignes, partu verè degeneri, prodierunt. Et hæc Regum stella anteambula, sub renascentis Orbis initijs, ex Dei infantis lacrymulis, veluti ex aquis fertilioribus, enatauit. Quod si Protagoræ licuit natura magis, quàm spatijs à nobis dissitos stellarum Orbes rorantibus terræ flosculis (fortunato mendacio) conglobare: cur non ego

Albe. Mag.
lib. 2. tract.
2. cap. 7. de
Veget.

stellam terris conterminam ; verissimo præconio
 florem nomino, ex Nazaræ facie, quasi ex florum
 aureola , beato lacrymarum imbre gemmatam ?
 Neque enim tellus floré vñquam suavius oluit, aut
 cœlum aliquando splendidius retulit, quàm cùm
 florida stella capita gentium in odorata Regna vo-
 cavit , nempè in mapale Bethlemiticum , vbi Di-
 uina formositas vernat , Virginei sanguinis minio
 purpurata . Habet Deus sua sidera , quæ vt olim
 fuit Io. oraculum , quædam veluti nobilitatis sym-
 bola gestat in dextera: Vidit enim *similem filio homi-*
nis , qui habebat stellas septem in manu sua . Cùm
 igitur Dei brachium manum diuinitatis in ter-
 ram extenderit , humanæ carnis chyrotheca ve-
 stitam, enituit ex oculis, veluti ex chyrothecæ ri-
 mulis, huiuscæ stellæ lux splendidissima ; adeoque
 Magorum mentes perstrinxit, vt inde Regiam
 manum in Præsepe cognouerint, neque tamen in
 Præsepi non adorarint . Scitum est illud, & tritum,
 Heroum cunas inter natale terrarum cœnum
 cœlesti sæpe luce stellatas, mortalium animos in
 sui timorem traxisse . Nondum crepundia posue-
 rat Pericles, & Græciam omnem immisissis facibus
 permiscebat . Adhuc in cunis vagiebat Hostilius,
 & flamma circa caput emicante Romani Imperij
 proceres deterrebat . Vix dum puerilia Ioseph di-
 miserat, & domesticos lares ancillari stellarum ser-
 uitio confundebat . Vix Abel hostias mactare no-
 uerat, & flamma circa victimam emicante sangui-
 nariam

Gal. lib. an
 animal sit
 id, quod in
 vtero.

Valer. Max.
 de prodig.
 lib. 37.

Gen. 37.

Gen. 4.

nariam fratricidæ animam consternebat . O læ-
 tum cœli prodigium ! ò diuinæ stellæ vim maxi-
 mam ! vix Christi casulam indicat , & tota Hero-
 dis Regia turbatur . Ecce portentum (clamat Hi-
 larius) inermem pertimescit armatus , contremi-
 scit humilem Rex superbus , infantem senex æta-
 tem expauescit . Proh Deus immortalis ! vt benè
 natalem Herois Pueri stella demonstrat , qui prius
 tela contorquet in hostes , quàm lac à Matris mam-
 mis extorqueat . Nam si adhuc pupulus Reges pro-
 sternit , quid cùm adultus in arena Caluarie exer-
 to crucis gladio hostes laceffet in pugnam ? si cùm
 molliculus lacrymas fundit , quid cùm sanguineos
 globos effundet , cùm pectora nuda intrepidus of-
 feret lanceæ ? Omnino elegantes (inquit Rupertus)
oritur stella ex iacob , dum Christus oritur , cuius
 in Propheta iubetur vocari nomen *velociter spolia* ,
cito prædare : quia antequam Matrem compellare
 didicisset , spolia didicit auferre Samariæ , robur Da-
 masci , fortitudinem gentium edomare . Sed age
 (BEATISSIME PATER) quando huius apparentiæ
 originem , causasque perlustrauius , enuntiemus
 tandem Spartarum Ephorum more à Deo com-
 missum facinus , quod suis nobis fulgoribus stella
 portendit . Sensit sapientium curiosa obseruatio ,
 recentium partu stellarum sobolescere aliquando
 cœlum , atque affine id esse nostræ materiæ , ex il-
 lo splendidæ genituræ argumento coniecit . Li-
 ceat mihi in re nõ dissimili idem asserere iudicium ,

Hom. i. in
Eph.

Isaie 8.

& ex

& ex Diuini luminis facie, Deum inter & homines
affinitatem interpretari. En Dei facinus, quod stel-
la eloquitur. A Diuina hypostasi humana termi-
natur natura: Suscipitur (inquit Leo) à Maiesta-
te humilitas, ab æternitate mortalitas; natura
inuiolabilis homini vnitur passibili, qui omnes
naturas condidit, eius fit filius, quam creauit;
Verbum Diuinum humana apparet carne vesti-
tum; quod numquam fuit hominis oculis visibi-
le, incipit manibus etiam esse tractabile. Orbis
caput Bethlehem, Orbis principium, ipsum ca-
put principiorum, quod erat ante Deus, quàm
Sol fieret, quàm Lucifer esset, excipit. Cœli Do-
minus cœli fit profugus, vt sibi nos non tam
profugos, quàm perfugas affinitate carnis coniun-
gat. & qui olim homini subiratus cùm appareret
inter fulgura circumseptus igne, inter flammæ ful-
getris obuallatus, inter nubes resonantes tonitruis
apparebat; iam hominis flagrantissimus amans
obuoluitur fascijs, instratur fœno, inter ancillantes
beluas præ charitatis dulcedine illacrymatur. Itane
Deus homo? audeo cōfidenti animo edisserere, eam
esse huius operis, cœli asterisco conspicui, magni-
tudinem, vt quæcumque, vel mente vsurpamus,
& sensibus, vel fide à Deo esse facta cognoscimus,
huic cedant, & magni sublimitate facinoris, & di-
gnitate. Ite iam Magi, Reges terræ, prudentes sæ-
culi, quos tantum facinus sydus edocuit. Ite mul-
tò eruditiores iam quàm ante. Aliam per viam
ite,

ite, & Chaldæis vestris annuntiate Cœli arcanum,
 stellæ mysterium, opus omnium confessione ma-
 ximum : *Deum nempè manifestum factum in car-* Timot. 1.
ne, sanctificatum in spiritu, visum ab An- 3. 16.
gelis, predicatum in gentibus, subur-
 banis hætenus exceptum ob-
 sequijs, sed olim pie-
 tatē colendum.

VRBANA.

Dixi.



ORA-



ORATIO

IN DOMINICA PASSIONIS

DOMINI

Habita die 21. Martij 1627.



PARENTALIS hæc, eademque
 mœstissima Ecclesiæ facies, &
 omnium in se comploratum
 excitat, & Tuam imprimis
 (PATER BEATISSIME) cõmi-
 serationem deposcit. Ita enim
 illa, sanctissimè habitum hodie
 induta tristitiæ, renouat in nostris animis Ponti-
 ficis omnium optimi lamentabilem recordatio-
 nem; qui per proprium sanguinem semel ingressus in
 sancta, ibi Sacerdos, & victima ad aram nostræ
 mortalitatis occubuit. At enim summi parentalia
 Pontificis Pontificium præsertim animum pun-
 gunt, percellunt ad dolorem. Quamobrem hoc
 Dominicæ Passionis initio, annum pensum bre-
 uissimæ

Hebr. 9.

uissimæ Orationis persoluam, si ex offuso Cruci
velamine Christum dolorum Pontificem, cui Ec-
clesia adornat funebria, proprijs squallore, & cru-
ciatu, ceu cultu, ornatuque sacerdotali spectabilem
efficiam.

Innata scilicet illa est Diuinæ naturæ dignitatis
præstantia, ut quæ cum ipsa coniuncta aliquando
fuerint, attollat, & ex quantumuis infimis summa
reddat: non aliter quàm corpus hoc natura sua bru-
tum, motuque vacuum, sit animi societate vigen-
s, ac vegetum; & quemadmodum euenire solet in-
terdum, ut coactus in nubem vapor, Solis obiectus
radijs eam lucem, splendoremque concipiat, ut
non alieno lumine, sed suis ipse flammis rutilare
videatur: ita vapor ille dedecorum, & pœnarum,
nubes teterrima, quam ex nostra sublatam terra
charitatis ardor euexit in Christum, veluti con-
cepta protinus maiestate diuinitatis, fulgurauit au-
gustius; & in Dei hominis corpore non cohone-
stata modò, sed consecrata, amplitudinem traxit,
vel ipsis Pontificiæ dignitatis insignibus potio-
rem.

Contegebat primò Pontificem byssina tunica, *Exod. 28.*
effuso (in morem Serpentis) Baltheo circa pectus
accincta, ex veteri Scripturarum oraculo stricta,
ac occellata, & ut Hieronymus loquitur, sine ru-
ga. *Epist. 123.* Candida Byssus, est virginalis nostri caro Pon-
tificis, antiqui Serpentis exuuiò, hoc est similitudi-
ne peccati, arctissimo veluti Baltheo subducta, sine
ruga in ligno crucis distenta; iure stricta, iure oc-
cellata,

cellata , nempe crucis angustijs vehementissimè
 appressa , & verbere , spina , clauo , lancea , acu op-
 pidò barbara distincta . Iam verò candidæ tunicæ
 vestis hyacinthina superimponitur coronatis malis ,
 & tintinabulis aureis ad talos vlque diffusa : quia
 eadem Christi patientis humanitas , quamquam ,
 vt byssus , ex terra traxit originem , nihilo tamen
 minus hyacinthina tota est , & cœli gratijs , quasi va-
 rijs telæ filis intexta . Mala porrò punica , & tinti-
 nabula per gyrum pendentia , vulnera clauorum
 sunt regalis sanguinis ostro purpurata , & charita-
 tis auro sonora . Vt meritò petenti vati , *Quid sunt
 Zach. 13. plaga istæ in medio manuum tuarum ?* Pontifex ipse
 respondeat , *His plagatus sum in domo eorum qui dili-
 gebant me .* erant enim uerò quædam amoris eius in
 nos impressa vestigia , & tintinabula amorem cla-
 mantia , & mala punica amore rubentia . Venio
 ad superhumerales huius Pontificis , pondere , &
 pretio veteris ephod longè splendidius ; patientiam
 scilicet castigati corporis , quam pretiosior cocco
 pallor inumbrat , floridior hyacintho liuor emaciat ,
 cruor omni purpura augustior incendit , ipsa re-
 torta bysso candidior integritas illustrat . Et benè
 quatuor planè coloribus byssino , purpureo , hyacin-
 thino , coccineo , qui quatuor Mundi elementa re-
 ferunt , superhumerales componi debuit . Nam di-
 uinus hic Atlas totius Mundi peccatis supposuit
 Ephes. 1. humeros , vt omnium fieret propitiatio , & per
 sanguinem crucis , siue qua in cœlis , siue qua in terris ,
 compo-

31

componeret, instauraret. Neque hic utrique additas humero gemmas onychinas, vnguis humani facie spectabiles desideramus; quando nos homunciones viles, & perditos arte gemmaria per vulnera sculptos ad Pontificium sui humeri honestamentum acceperit. At illa laceri, perfossique pectoris bulla annulatum rationale summi istius Sacerdotis indicat; qui cum in hoc natus fuerit, *ut testimonium perhibeat veritati*, doctrinam spiritus Ioan. 1. rat ex pectore, veritatem ex corde. Quamquam si rem diligentius inspicio, ac suis veluti ponderibus, momentisque perpendo, illud interesse discerniminis video, quod antiqui rationale Pontificis gemmarum elegantiam, prima statim fronte, prodebat exterius: at verò pectus Dominicum splendorem cælat interius, quippe cuius gloria *omnis ab intus*. Psal. 44 Nisi mauis lancea pectus expansum aperuisse nobis Dei arcana per vulnera, ac inde meritò cor vulneratum Vrim, & Thummim, hoc est illuminationem, manifestationemque extitisse. Vna superest imponenda capiti byssina Cydaris, quæ diuino cæli consilio portendebat; verum aliquando fore Pontificem, cui coronando mollissimæ è bysso Cydari spinosissima corona *de capite Amanna, de Vertice Sanir, & Hermon, de cubilibus Leonum, de montibus Pardorum* (dicam planius) de gentis humanæ aculeis, de culparum omnium tribulis sufficeretur; scilicet non byssum, sed spinas, quæ non tam caput ornarent, quàm pungerent, no-
uit hu-

Cant. 4.

Greg. 17.
Mor. c. 10.

uit humana crudelitas intexere Creatori . Sed ea est inaugurandi Pontificis ratio (**BEATISSIME PATER**) ut dona continuò præbeat , & sacrificia

Hebr. 5. offerat pro peccatis : *Omnis enim Pontifex* , inquit Paulus , *ad immolandas hostias constituitur* . unde necesse est , & hunc à victimarijs accepisse aliquid , quod offerret . Enimuerò sanè Pontifici nostro , cui

Ioan. 13. *omnia dedit Pater in manus* , deesse nequaquam potuit , quod mactaret : *cum enim dilexisset suos qui erant in mundo , in finem dilexit eos : dilexit inquam* , quod

Æphes. 5. expendit Apostolus , *ut traderet semetipsum pro nobis oblationem , & hostiam in odorem suauitatis* . O singularem , & numquam ante visam , vel auditam victimam Sacerdotis ! ò admirandam , & omni maiorem cogitatione pietatem ! Siccinè verò Christe Pontifex optime , & sanctissime , tam vile tibi fuit

Cant. 5. *aureum caput* : illud pulcherrimum , ut ipsum pro re lutea , pro hostibus , & inimicis deuoueris ? Ita nullius pretij corpus illud pretiosissimū , ut pro cœno ipsum , ac sordibus , in crudelissimam necem immiseris ? Cecidisti tu quidem ad aram Crucis , holocaustum amoris ; sed immortalis viuis in amoris animata sede in animis nostris .

Æquum enim est , ut cùm tantæ charitatis erga nos testimonium agnoscamus , quando parem illi gratiam referre nequaquam possumus , æternam saltem eius memoriam , & perennem pietissimi Pontificis recordationem gratis non modo animis , sed etiam vocibus , & lacrymis prosequamur . Pro-

fectò

33 175
123
fectò vt Christi sacrificium conuersum est ad nostram fœlicitatem, non tantùm ad salutem, ita ad nos omnes pertinere debet, vt hoc præsertim

Passionis tempore perpetua oblatæ victimæ

memoria versetur in animo, laus au-

diatur ex ore: vt qui participes

fuius matutinæ lætitiæ,

expertes ne simus sa-

crificij vesper-

tini.

Dicebam.





ORATIO

IN EPIPHANIA DOMINI

Habita die 6. Ianuarij 1628.



DSVM læti spectaculi nuncius;
 (BEATISSIME PATER)
 quod quantum in se habet,
 peregrinæ cuiusdam dignita-
 tatis, & excellentiæ; longè plus
 autem quam ut à nobis ne-
 dum oratione, sed ne cogita-
 tione quidem comprehendi possit, tantum reuera
 omnium animis afferre debet admirationis, & gau-
 dij. Deus hodie fit nobis scena in nuptijs, in Ior-
 dane, in Præsepio, quasi actu triplici, triplicis ap-
 paritionis solemnè pompa reclusa: ut æquum pla-
 nè sit ad ea, quæ ex ipsa panduntur mysteria, Cœ-
 lum.

lum nouo sydere fenestratum occurrere, Orientem conuulsum sedibus properare, & nos pro oculis oculos animos tantisper intendere.

Nam cum eo omnes nascamur ingenio, ut quaecumque noua, & insolita accidunt, ijs non modo pro rerum magnitudine oblectemur, sed parem etiam illi, quam coepimus voluptati, admirationem mentium coniungamus: Quid tam nouum, & insolitum, tam prodigiosum, & singulare, quam conuiuiam videre in epulis pauisse potius, quam pasci? Scilicet accedit hodie Christus ad nuptias, *Ioan. 2.* ut sponsa flore vallata lilio, velut *aceruus tritici*, *Cant. 7.* filiorum emittat examina; & Iesæ stirpis præsentia diuini exsurgens pudoris nectara, in diuitem liberorum sobolem fecundetur. At enim desunt vina solemnibus, & terrenus abscedit potus; ut quod olim scripsit Ambrosius, vitis vineæ Domini selectissima liquorem vitalis succi pretiosissimum exprimat, quo sine vñali pretio perfruamur. *In Ioan.* Effruct igitur subito Christi vindemia, vertuntur lactices in vini substantiam, mustum continuo rubet in poculis, & per omnia iucunda mensarum haustus Diuinæ ambrosiæ inebriat captos suauitate conuiuias. Ita fortunato euentu nobis omnia transcunt in gratiam, ubi aqua non ante viso miraculo transiuit in vinum. Molles nimirum erant, atque infirmi hominum sensus, aquam fortasse frigore exuperabant, & fluxu; sed nobis hodie in vini similitudinem translatis datur corona pro cinere,

oleum gaudij pro luctu, pallium laudis pro spiritu mœroris.

- Iam verò post nuptiales epulas, quæ noua habentur in Iordane spectacula? dum ex apertis Cœlorum hiatis abijt ad nos Columba spirabilis, & ex hac ætheris versatili machina supremi Patris
- Marci 1.** vox illa resonat: *Hic est filius meus dilectus*. Nunciauerat iam pridem Columba post veteris eluui-
- Gen. 18.** nis procellas, iram Dei pluuiam cessasse. Et Paracletus hodie Spiritus in columbæ specie descendit, ac supra caput Christi, præfagio veluti fœlicitatis insistit; vt inde fausto intelligamus auspicio, omnia peccata maria, ventos in thesauris reclusos, initam tandem aliquando pacem Deum inter, & homines, æterno fœdere duraturam. Quæ porrò vox Patris in amoris significationem erumpit: *Hic est filius meus dilectus in quo mihi bene complacui*.
- Exodi 19.** Audita est illa quidem lapsis etiam retrò temporibus, sed quæ petrarum dura contereret, quæ montium profunda subuerteret, quæ minas, ruinasque tonanti fragore expiraret. Etenim tunc sui parca, ac paucis mortalium intellecta, suas propheticas dumtaxat auribus, animisque blanditias insurrabat; reliquæ verò mortalitatis sensus, obstrepentium catadupa culparum hebetatus, ad diuinæ vocis illecebras miserabiliter obforduerat. At ecce vox modò de Cœlo amorem sonat, *filius dilectus*. Benè ominari iam libet: læua nobis Cœlum tonat hodierna die; non hæc vlticia fulmina, Cœlitum iras,

iras, terrarumque clades vox murmurat; sed Patrem vitali amoris plaga vulneratum enunciat; sed Deum blandissimi nominis filium proclamat; sed oscula, pacis symbola, & authoramenta obedientiæ filio Deo libare nos admonet, *ipsum audite*. Ut mirandum profecto minimè sit, si huiusce vocis sonus amabilis ad ultimos vsque terrarum fines peruenit. Ad extremam Indiam, quæ hodiernæ vocis sonitum tam verè sensit, quàm olim falsò strepitum solaris currus exaudire credebatur. Ad torridos Æthiopix tractus: ad gelidas regiones Scithiæ, quæ hoc suauissimo oraculo delinitæ, sua Idolorum superstitionem sonantia sistrâ damnarunt. Et ut oras taceam infinitas alias, ad litteratorum Hemicyclos, ad Græcorum Academias, ad Philosophorum Lycea; quæ cœcutientem dedocta sapientiam, dum aras inscriberent ignoto Deo, hinc Dei Patris Deo Filio templa exædificare didicerunt. Sed longioris orationis lumine hic alter nostræ scenæ actus non indiget, qui, & suo satis conspicuus est, & nouæ stellæ accessione illustratur. Nempe vbi Deus terris apparet, ac præsepio excipitur, stella Regum fit anteambula, & ab orientali plaga latus nobis spectaculum exhibet, virorum, sapientiæ humanæ procerum, qui stabulum Bethlehemiticum subeunt, & venerabundo obsequio, ad Dei hominis pedes prouoluti, Christo infanti munera consecrant, *aurum, thus, & myrrham*. At huius spectaculi pompa prætermissa, in accommoda-

Matth. 2.

datori nostris animis consideratione mysterij, pro
 temporis opportunitate, sapientius immoremur.
 Relinquendæ cum magis sint voluptates orientis
 æui, spectanda Cœli sunt nobis sydera, ut blandis-
 simam Dei Seruatoris infantiam nanciscamur. ne-
 que enim frustra, cum alias animantes in ventrem
 fecisse pronas, atque abiecisset ad pastum, homi-
 nem excelsum ad Cœli spatia, & stellatæ Domus
 conspectum excitauit; condidit nos sapientissimus
 ille rerum effector erecta ad astra facie, ut non in
 humili terrarum loco iaceremus, sed nouis subin-
 de stellarum aspectibus attraheremur ad summum,
 prorsus ut alienum vitæ tabernaculum, in quo ve-
 rius hiberna facimus, quam habitamus despicien-
 tes, patrios dumtaxat Cœlorum orbis contendere-
 mus, ibique laboris nostri fructu cumulatissimo
 potiremur Deo. Cui ille profectò thesauros aperit,
 ac Thus offert, qui diuinitatem pijs preci-
 bus adorat; Myrrham, qui sua ge-
 mendo crimina luget; Au-
 rum, qui recordatus
 Domini indi-
 gentis,
 suos pascit egenos.

Dixi.

**
 *

ORA-



ORATIO

IN DOMINICA PASSIONIS

DOMINI

Habita die 9. Aprilis 1628.



UNIVERSARIUM hoc mœstæ recordationis officium (BEATISSIME PATER) quo pulla in veste, ad Seruatoris nostri parentalita se componit Ecclesia, ipsis amariorem lacrymis orationem deposcit, quæ cruciarij Regis exemplar luctuosissimum ad viuum; hoc est, funebri dictione, describat. Quid enim causæ esse dicemus, cur in hac dierum lugubri facie vexilla Crucis, cœu Regni funestissimi insignia proferat, nisi vt eo veluti è speculo oculis continenter obiecto, miseranda cruciarum species retorqueatur ad mentem; statuatque intuentium animus, qualis doloris Rex Christus fuerit, cuius Regnum Crux fuit? Quicumque igitur in hac

in hac Dominicæ Passionis prolusione, & apparatu visendo occupatus, vexilla, ac spolia Regis pœnarum contemplari in ipso suppliciorum fonte non potest, animum tantisper aduertat imagini à me lacrymis verius, quàm verbis coloratæ.

Prius ergo rapit in se oculos, nostri primus Regis prænuncius color chlamydis albæ, quo per ridiculum ab infano Rege vestitus, verè candidatum se præbuit dolorum Regni. Nimirum toga indutus idonea descendit in Campum petitor nobilis, à Patre humani generis vindicationem, & salutem postulaturus; ante candidatus per fora benè deducitur, quàm Crucis *ferculum* (Salomone sapientior) *purpureo ascensu* conscendat: inuenit mors hæctenus inuisa, ac reformidata mortalibus, qui ipsam effusissimis votis ambiat; & vt consequatur suffragia, prehensaturus, properet ad tribunalia. Neque verò timenda fuerat candido petitori repulsa, qui conspirantibus sceleratorum calculis, vltro insolenti more, raptatur ad culmen non dignitatis, sed pœnæ. Vix enim Prætor Romanus reducti ad se candidati speciem attentius intuens albi agnoscit coloris indicium; expedit illico fasces, & virgas, & suum satellitio sublime in atrium deducit, vbi Regibus dicata veste coccinea purpurascit. Nam, vt

Lucæ 23. omittam Præsidis milites post flagella immanissima, ludicra eum, & sordida purpura, ioculari inauguratione, induisse; sanè cùm detracta furioso impetu alba chlamydula denudaretur, oculisque prius

intuen-

intuentium, quàm fustuarijs manibus vulneraretur: vulneraretur non *oculorum uno*, vt à sponsa castissima, sed spectantium acie multiplici; rubere omnino debuit virorum verecūdisimus, & virgineæ carnis membra illa sanctissima innocentis pudoris confusione velare. Sistite iam quærere Cœlites, *quare rubrum sit indumentum eius*. Verecundia Regem suum fecit, & solemni Regum pigmento colorauit. Porro autem quæ eximior purpura, expresso flagellis sanguine, quo totum abundè corpus intinxit, & se ad instantem cum hoste congressum paludauit? Verum enimuerò Carmelo Christus æquiparatur in Canticis, dum Oecumenicæ Ecclesiæ dicitur, *caput tuum sicut Carmelus*. vt enim sublimi fastigio ille cœlo quàm terris propior insueta vini feracitate laudatur, sic iste humanæ conditionis modum toto vertice excellens, inaudita prodigalitate *in sanguine tua*, idest in proprij cruoris purpura pallium tingit, & se se identidem dibapho saturat, cuius regalis color, Regem illum *in domo Iacob* æuo sempiterno regnaturum declarat. Neque tamen adhuc omnia collata sunt insignia dolorum Regi. Pergunt itaque crudelitatis artifices, & Redemptoris caput, omni diademate augustius, spinis, hamato mucrone rigentibus, circumfodiunt. Scilicet hoc deerat humanæ portentis immanitatis, vt regia non iam auro fulgerent, & gemmis, sed spinis, & dumis tempora radiarent. Quamquam mirandum non est, eum redimiri spinis, qui de culpa-

rum

Lib. 10. in
cap. 23. Lu-
ca.

Psal. 101.

Baruch 6.

rum aculeis triumpharat. Spinolum fertum, inquit alicubi Ambrosius, capiti Seruatoris annexum, diuini planè operis munus ostendit; quod de peccatoribus Mundi, tanquam dumetis sæculi, triumphalis Deo gloria quæreretur. Diadema igitur fabricare de suo iussa est impietas debellata; spinas inuexit; hi enim flores, hoc aurum in Regno impietatis rutilant ad coronam. Redimitur ergo Rex noster ferali spinarum ferto, ut nos diademate gloriæ in misericordia, & miserationibus exornaret. Dorem sibi aculeorum suscepit, ut gaudium nobis afferret sub spina sedentibus; Regnandum coronato fuerat, coronam dumis compactam gestare voluit, ut cruentum, funestumq. suum Regnum esse monstraret. Atque utinam seuerum hoc diuini capitis coronamentum, doloribus, ac pœnis coronidem supremam imponeret; nec crescerent coroneales spinæ exiles, & graciles nodosum in stipitem vix humeris pertrahendum. Sed creuerunt illæ (B E A T I S S I M E P A T E R) æstu impietatis nutritæ, Prætoris manu iniquissima irrigatæ: nam lotis manibus contaminatissimus Præles affigendum trunco innocentem postulanti permisit immanitati. Quapropter læuitiæ milites, execrandum ominosa stirpis patibulum Christi humeris imponunt afflictissimis; ac inter lictores, & vincula captiuum enixè rapiunt ad montem, ubi gentibus regnet conspicuus vniuersis. Laborat Regum optimus sub trabali scepro caducus, nutatque sub pondere non
tam

tam Crucis, quam Regni. Regnum enim ærum-
 nosissimum properantem grauat, prostermit solo,
 affligit. Ita meliori sanguinis sui, quàm conchylij
 succo purpuratus, & nobilis, corona decorus spi-
 nea, damnati ligni thronum conscendit; nec com-
 muni solum gentium plausu, sed appiæto etiam
 palam programme, præcipuis Mundi linguis re-
 nuntiatur Rex: Vniuerso interea Regem suum
 agnoscente, nec tam elatis vocibus, quam concisis,
 scissisque lapidibus conclamante. Vos verò agite
 oculi; & si per oppansum Cruci velum licet, aspici-
 te supremam admouentem manum dolorum Re-
 gi barbariem. Ipse Rex, qui inungitur Christus,
 insigne regni consummatum esse denunciat; quin
 etiam caput inclinat, vt eò facilius, quò propinquius
 vltima lineamenta attriti vultus appareant. Restat
 tamen adhuc feritati labor, adhuc superest regio
 formanda pectori bulla, in qua extremam suæ ar-
 tis lineam ducat ingeniosa barbaries. Et ecce vo-
 bis nescio quis è cohorte factus ex milite faber, vsus
 mucrone lanceæ pro scalp pro in effosso, laceroque
 pectore pro bulla luculentam plagam efformat.
 Iam verò quoniam omnia pœnarum Regis insi-
 gnia sunt producta, & Crucis hodie propositæ
 referatum mysterium, ascendamus mentis gressi-
 bus lanienam Caluarie, ac Regem doloris nostri,
 qua decet pietate, & reuerentia veneremur: *Con-* Psal. 47.
ueniant Reges terræ ad montem sanctum Domini: cur-
rant, vt aiebat Augustinus, (hunc forte Regalium
 cœrum.

cœtum Sacerdotum compellans) currant Reges
ad Regem, agnoscant Reges Regem. Inspicia-
mus pendentis in Cruce vulnera, occumbentis in
trunco sanguinem, sceptrâ clavis mutata in ligno
regnantis: &, quod veræ postulat Religionis offi-
cium, turbidis omnino motibus iam com-
pressis, in seruitutem redactis cupidi-
tatibus, animum illi nostrum,

U R B A N A M veluti Re-

giam, quæ vna deest

extra portam


crucifixo

Regi, adornemus.

Dicebam.



F I N I S.



POMPEI ARIGONII CONSISTORIALIS

ET REGIS CATHOLICI ADVOCATI

Oratio de vita et miraculis B. Fratris Didaci, qua Regis
nomine B. Didacus canonizari postulatur, habita
Romæ in Consistorio publico, Die xxv. Iunii
Anno M. D. LXXXVIII.



*V*M multis alijs in rebus Philippus Hispaniarum Rex, summam in se Dei beneficentiam agnoscit, tum inter precipuos Regni thesauros, diuino sibi beneficio iributos aestimat, in sua ditione viros egregios extitisse, qui caelestem in terris viuendi rationem ingressi, sibi quidem ad calum aditum aperuerunt, ceteros autem sua apud Deum gratia, suoque patrocinio tuentur. Quamuis enim qui humanas hasce curas exuunt, Deo prorsus addicti, non vnā gentem, aut alteram solum diligant, sed diuini instar numinis, cuius spiritu ducuntur, vniuersum genus humanum suo amore, ac beneuolentia complectantur: tamen proximi cuiusque maior est charitas, ac beatarum mentium benefaciendi voluntas, ad omnes, beneficia ad vtentes pertinent: quos ex propinquis frequentiores esse, quàm ex alienis necesse est. Merito igitur pius, verique Catholicus Hispaniarum Rex Beato Didaco in sua ditione orto præ ceteris gloriatur; cuius & in popularibus opem expertus est, & in filio primogenito iam à Medicis omnibus desituto, quemadmodum suo loco dicemus.

De huius ego vite sanctitate, varijsq. miraculis, tuo

a

Pater

Pater sancte, Regisque iussu hodie verba facturus, illud in primis oro, ne ex mea tenuitate sanctissimi Viri virtutes asumentur: neu mihi conatus, cui me imparem fateor, audacia tribuatur: sed mea potius in re tam ardua voluntas atque alacritas commendetur; imbecillitas, parendique necessitas excusetur. Nam diuina mortali cuiquam assequi nefas. nec tamen quia de diuinis digne dicere nequeas, idcirco nihil omnino dicendum: aut quia nulla illis oratio sufficiat, omnis omnino oratio deneganda. Igitur vitam eius & miranda, non omnia sed pauca de multis, quam breuissime, simul & verissime dicam. nam singula recensentem dies deficiat.

Et ex his quae dicentur, satis aperte liquebit Beatum hunc virum in Sanctorum numerum referendum. Natus est beatus Didacus in Prouincia Batia, in oppido sancti Nicolai ditionis Hispalensis, honestis parentibus & Christianis, quales fuisse par est, a quibus tantus futurus vir ad pietatem informaretur. Qui vero dies eius natalis fuerit, aut quo mense, quoque anno in lucem editus, haud satis compertum habeo ex his, quae vidimus litterarum monumentis. Sed quantum ex eisdem coniectura assequi licet, natum esse credibile est, paulo ante Quadringentesimum supra millesimum annum à Christo nato. Nam cum ad multam senectutem vixerit, & anno Iubilaei Millesimo quadringentesimo quinquagesimo in Urbem venerit, ac duodecim post annis in calum migrauerit, necesse est natiuitatem eius incidisse in ea tempora, quae supra memorauimus. Cum primaui autem sapere cepit,

cepit, humana omnia diuino cultui posibabuit. Itaque
 ne rerum terrestrium cura a caelestibus contemplandis
 auocaretur, continuo se ab ineunte adolescentia in soli-
 tudinem, hoc est, in libertatem vindicauit: atque Ere-
 mum patriae propinquam coluit, sacerdote quodam ieiū-
 niorum, vigiliarum, continentiae, atque innocentiae teste
 ac socio. Ibi Dei diuinorumque meditatione animum,
 corpus eleemosynis sustentabat: dumque Deo corde aut
 ore gratias ageret, interim manus operi intentae haud
 quaquam otio languescebant. sed varia è iunipero. Va-
 scula, salina, cochlearia conficiebat, eaque largieba-
 tur ijs, qui victui necessaria suppediabant. si quid
 autem praterea dare vellent, id omnino recusabat.
 Tanti in eius moribus elucebat virtutum omnium con-
 sensus, vt omnium in se oculos raperet, omnes exci-
 taret in admirationem sui. Radix autem virtutum
 omnium, & quasi fundamentum humilitas & sui con-
 temptio, quaeque eam sequitur aliorum hominum chari-
 tas, quo nullum aptius vinculum humanae societatis: nam
 qui seipsum despicit, alios suspicit, is nunquam sibi plus
 sumet quam ceteris, itaque aut iustitiam adeptus iam
 est, aut iustitiae valde propinquus: humilitas in eo tanta
 erat, vt omnes homines sibi praeferret, inservire omnibus
 cuperet, senes, iuuenes consilio atque auxilio iuaret.
 charitatem autem haud facile cogitatione assequi, ne-
 dum eloqui quisquam possit. Harum virtutum fama
 cum vicinas urbes impleisset, repente ab Eremita discessit,
 & se ad conuentum de Arizasa ordinis sancti Francisci.

a Corduba non longe distantem contulit, seque in illorum ordinem admitti postulat, quos vulgo Obseruantes vocant, inde ad Monasterium Compluten. eiusdem ordinis, quod est ad eadem sanctæ Mariæ Iesu presbitorum iussu obtemperans se transfert. Hic latior humilitatis campus, vberiorque materia virtutum omnium. nemo constanter atque hilarius Religionis illius iugum tulit: nemo exactius omnia illius Regula præscripta seruauit: nemo acrius carnis stimulos retudit: nemo eam ieiunijs ac vigilijs, flagellisque fortius macerauit. vtque ingenitos impetus reprimeret, gelidam interdum hyemali tempore aquam ingredi non dubitauit, tam rigida vtebatur castigatione corporis, a capite ad talos vsque sese flagellis lacerans, vt nemo humana illam virtute ferri posse putaret. Fortunatas aliquando Insulas petijt, quas Canarias appellant: ibi innumerabiles Canarienses ad Christianam Religionem, verumque Dei cultum traduxit, in his Ioannem Alphonsum quendam, qui eo infidelis atq. Idololorum cultor è magna Canaria venerat, is deinde duos filios B. Didaco instruendos, & vera pietate imbuendos tradidit: in magnâ inde Canariam profectus, vt incolas ad verâ Religionem traheret; magnas ibi Christianæ Religionis propagandæ causa persecutiones pertulit; magno enim studio martyrij subeundi tenebatur, nisi illi comites a proposito auertissent, qui vereri se dicerent, ne captiui a Canariensibus detinerentur. horum charitas B. Didacum ab eo consilio retraxit. Quodque admirationem auget, hæc omnia peragebat nulla ex cultus doctrina, nullis lit-

tera-

terarum studijs eruditus: erat enim illitteratus, quam ob causam nullis unquam sacris ordinibus initiatus est, sed (ut vocant) Laicus per omnem etatem mansit. Quin etiam Conchenſi cuidam amico bonarum artium peritissimo, alijsque non paucis quaestiones difficillimas de rebus non solum ad salutem animæ, sed etiam ad litterarum studia spectantibus enodabat: quarum illi solutionem neque Salamantica neque Lutetia, neque alijs in Academijs, in quibus antea studijs operam dederant, inuenire potuerant. Cum autem omnes omnium consensu virtutibus omnibus anteiret, precipue in eo pauperum charitas enitebat. his omnia largiebatur. quicquid undique ab amicis, a contubernalibus, a notis, ab ignotis accipere poterat, id omne in usus pauperum erogabat. cumque quid illis daret, non habebat, una cum illis eorum miseriam deplorabat, multisque lacrymis animi sui dolorem testabatur. Mendicorum ulcera suis manibus abstergebat. Romam venit, ut ante dictum est anno lubilei: diuertitque in Monasterium Sancti Francisci quod est ad eadem Sancta Mariae, quæ dicitur Araceli. ingens ibi egrotorum & languentium numerus: magna insuper annonæ caritas & penuria rerum omnium Urbem inuaserat. Didacus egrotorum cura suscepta tanta illis charitate, ac diligentia ministrabat, tantaque affluentia rerum omnium, ut omnes, in primisque Monasterij præfectus mirarentur, unde illi in tantis aliorum angustijs tanta rerum copia suppeteret: omnesque opem illam Beati Didaci apud Deum gratiæ acceptam ferebant. omnes

Didac-

Didacum ut virum sanctum, Deoque gratissimum mirabantur. Complutum tandem redijt, nam singulas eius actiones persequi nimis longum, & prope infinitum esset, ibique deinde ad duodecim, aut tredecim annos vixit. tanta cum humilitate, atque in Superiores obedientia, tanta praeceptorum observantia, tanta vitae austeritate tanto exemplo, ut ab omnibus existimatus fuerit observatione mandatorum Dei ceteris omnibus, qui ulli unquam Religioni se addixerint, praestitisse. In morbum incidit, qui & illi mortali huius vitae finem attulit, atque ad aeternam illam ac perennem aditum patefecit. Eius morbi molestias tanta constantia tulit, ut nullum unquam doloris indicium dederit. Suaviter astantes alloqui, solari, veniam offensionum petere non desistit, donec utroque brachio sublato, quorum alterum magna vi morbi, quod apostema dicitur, immobile fuerat, Crucem amplexus atque exosculatus in illa Hymni verba: Dulce lignum, dulces Clavos, & quae sequuntur, animam Deo reddidit anno post Christum natum Millesimo quadringentesimo sexagesimo tertio. Mortuo Didaco neque artus obriguerunt, & multis mensibus flexibiles manserunt, ut vivis solent. Odoris etiam suavissimi fragrantia cubiculum oppleuit. Hodieque is odor a nonnullis plerumque sentitur, quanquam sine ullis illum odoribus aut aromatibus sepultum fuisse constat: atque ad eius mortui famam ingens populorum concursus est factus. Scio ego Pater Beatissime de rebus mirabilibus dicenti plerumque faciles esse audientium aures. & alioquin a recto narrationis

rationis defendit officij necessitas. veruntamen haud
 quaquam concessa mihi facultate, nec audientium be-
 nignitate intemperantius abutar. Sed ex ingenti mira-
 culorum copia, quibus diuinus ille vir in vita clauit,
 vnum aut alterum breuiter attingam: itemque nonnul-
 la de ceteris, quae post mortem euenere. Quid autem mi-
 rabilius referam, quam quod è Monasterio quodā, quod
 Hispani Cerraje nominant. Hispalim profectus, mulieri
 cuidam filiolum in furno latitantem, ibique sopore cor-
 reptum, accenso dein furno atque vndique conflagrante,
 ille sum a flamma seruauit. Erat miserae cuidam mulier-
 culae septennis filius, aut paulo maior, qui sapius eius
 iram metuens aufugere solebat. Is cum die quodam au-
 fugisset, non ante diem Dominicum domum redijt. tum
 veritus ne a matre vapularet, in furno se se abdidit.
 nam Mater pane coquendo seque & puerulum, & reli-
 quam familiam sustentabat. Ibi puerum iacere mater
 ignorans, furnum vesperi lignis opplet, vt summo mane
 postridie incenderet, ac feruesceret. Tum sedula mulier,
 antequam luce sceret, ignem lignis admonet, atque arida
 sarmenta tanto impetu flammam corripunt, vt simul &
 puer excitus clamare inciperet, & repente furnus flam-
 mis conflagraret. Quid in tam acerbo filij casu mater fa-
 ceret? quod illi auxilium ferretur? omni humana ope
 destituta scissa coma, gemitu atque vlulatibus domum
 ac viciniam omnem complet. res ad Beati Didaci au-
 res peruenit. ille obuiam factus mulierem solatur, ac bo-
 no animo esse iubet. hortatur vt ad eam maiorem Bea

ta Virginis accedat, eique se toto ex animo commendet. Non secus atque oraculo monita, relicto furno, ac filio ad maiorem Dei genitricis adem aduolat. Quid verbis opus est? continuo Beatus Didacus, quique illi comes aderat, qui & huius rei testimonium perhibuit, in furno illesum puerum, combustis lignis inuenerunt, adductumque ad adem ubi mater orabat, Canonici albis vestibus in honorem Beata Virginis induerunt. Hoc ille miraculo cum Hispalenses omnes obstupescisset, incredibile dictu est, quam ipse sibi solus humilior atque abietior videretur.

Ex eodem Monasterio cum aliquando eodem comite ad oppidum Sanlucar de Barameda, absque ullo comitatu profectus esset, ipseque & comes longo itinere defessi in vicum quendam, quem Palatios vulgo dicunt, diuertissent, ut inde sibi ad victum necessaria corrogerent, neque ibi quidquam opis inuenissent, quo famem sedarent, longumque adhuc iter superesset, comitem hortatus ut in Deo spem haberet, alacriter via reliquum obibat, varias Deo laudes concinens. Cumque in planiciem quandam amplam peruenissent, animaduertunt in via prope herbam, quae Marisma dicitur, mantile quondam linteum eximio candore, in eoque panem candidum ac duos pisces recens coctos, & malum medicum & insuper vini vasculum. Id illi quamquam diuinitus oblatum rati, non confestim arripuerunt: sed vnde quaque circumspicientes, an quempiam viderent, cuius illa cibaria esse possent (erat autem planicies maxima, ut

non

non minus decem millibus passuum conspici vndequaq;
posset) ubi neminem viderunt, paratis sibi dapibus, re
fecti, Deo gratias egerunt, quodque supersuit, ibidem
reliquerunt. Ac Beatus Didacus comiti gratulatus,
quod sibi Deus necessaria suppeditasset, non secus atque
filijs Israel in deserto; tantus in eo fidei candor, & que
dam, vt ita dixerim, simplicitas inerat, vt nihil supra.
Itaque varias egrotantium ac languentium species ad
sanctitatis eius famam vndique confluentium digito
lampadis oleo inuncto, ac signo (Crucis facto sanabat.
Hæc aliaque innumerabilia ille miracula viuens edi
dit. Sed & aliquid referamus ex ijs, quæ summa omnium
admiratione mortem eius consecuta sunt, ac potius quo
tidie consequuntur.

Catherina Martinez Antoniæ filia ex oppido de Du
ron oriunda, quæ cum muta surdaque esset, ac semper pa
ralysi laborasset, ad corpus beati Didaci delata, ac signo
Crucis eius manu signata, repente conualuit: nec tan
tum suis pedibus incessit, sed etiam Vicario, præeunte
hæc verba protulit, Laus Christo Iesu, semperque dein
ceps absque vlllo impedimento locuta est.

Iuuenis alius xx. annorum, cum spiritu quodam im
mundo detineretur, ita vt sæpius quotidie in terram
desidens, ad puteos rapî se diceret, adductus ad Sacel
lum, in quo beati Didaci corpus asseruatur, ibique dies
aliquot moratus, sanitatem pristinam recuperavit.

Maria Garcia, cuius nurus Catherina nomine certa

b

ex

ex partu pernicies aderat, propterea quod infans in utero transfuersus vnum tantum pedem extulerat, in tanto puerpera discrimine beati Didaci meminuit, allatumque vestis fragmentum, qua Beatus ille vir amictus fuerat, & paululum terra, qua corpus eius tegebatur, nurui superimposuit. ita, quæ diem totum in tanto periculo manserat, continuo partum edidit mortuum quidem, sed ipsa mortis periculo liberata. Tum socrus ex tanto miraculo etiam partui vitam restitui præ fidei seruire a Deo petere ausa, vouens, si id impetrasset, in sacello B. Didaci se nouem diebus euigilaturam, voti compos facta, infantem, quæ per quattuor horas mortua fuerat cum reuixisset, in sacro Baptismatis lauacro Mariam de suo nomine dici voluit.

Aluarus de Gaa Lusitanus Ancilla suæ misericordia motus, quæ filiam paucis ante horis mortuam miserabilem in modum lugebat, eam hortatur, vt Puellam ad corpus beati Didaci deferret, atque a Deo peteret, vt ob eius merita vitam filia restitueret. Ancilla cum domini monitis paruisset, quam Puellam exanimem domo extulerat, eam viuentem ac validam domum reduxit.

Quamuis autem mortuos in vitam reuocare interpretipua Dei miracula censeatur, haud scio, an maius etiam censendum sit quod virgini cuidam Hispanæ, cui Maria de Pinnuela nomen erat, non vnâ tantum vt alijs, sed multiplicem vitam reddidit, tot illa morbis

gra-

grauissimis laborabat, iam intolerandis febribus vexabatur, tam acerbis atque assiduus capitis doloribus torquebatur, ut (si ita dici fas est) multas quotidie mortes experiretur. adhuc humero, crure, tibia debilitata multarum corporis partium usum amiserat. Tot modis afflictam Virginem cupido incessit, quando nulla iam humana ope sanari se posse sperabat, ad beati Didaci corpus adeundi, ab eoque auxilium implorandi. Ita uti petierat eo delata, quid memorē quæ Puella miranda viderit atque audierit? Ea nec referre necesse habeo, & certis extant grauissimorum hominum testata monumentis. In summa quæ per undecim menses varijs cruciatibus exagitata fuerat, vbi ad Beatum hunc virum accessit, & morbum toto corpore depelli, & suum membris omnibus Vigorem restituui sensit, ac suis pedibus incepit incessit, Deum laudans, ingentesque beato Didacogratiis agens, cuius precibus ac meritis a Deo salutem impetrasset. atque hoc nostra memoria factum est anno humanæ salutis Millesimo quingentesimo quinquagesimo quinto.

Huic miraculo recentius aliud subijciam, quod plerique meministis. factum est enim anno Millesimo quingentesimo sexagesimo secundo,

Serenissimus Hispaniarum Princeps Carolus olim adolescens, Compluti, cum in Regia luderet è scalis quibusdam supinus cecidit, ac tam grauius offendit, ut ingens in capite vulnus acciperet. cum & lethale vulnus

b 2 omni-

omnibus videretur, & de salute tanti Principis ageretur, existimandum est humanissimum Regem, ac liberrorum amantiſſimum nihil intentatum reliquiſſe, quod filio primogenito in tanto discrimine adiumento eſſe poſſet. Medicos vndique accerſit, remedia quacunque adhiberi poſſunt humanitus, adhibentur. omnia tamen vulnere cedunt. itaque deſperata filij ſalute Rex ſeceſſit: ſepultura locus deſtinatur: panni lugubres, funeralia, exequia tanto Principe dignæ magna cum cura parantur. Poſtremo tamen, aſtantium quorundam animus ad Beatum Didacum ſe conuertit, poſtulatūque eſt vt eius corpus in Cubiculum Principis deferretur, & prope eum locaretur. Poſtquam id factum eſt, paucarum horarum ſpatio Princeps meliuſcule ſe habere, ac potius reuiuſcere cœpit: vt omnibus liquido conſlaret, vitam ei non humanitus, ſed B. Didaci merito diuinitus reſtitutam.

Igitur Beatiffime Pater, qui ab ineunte ætate ſeſe ab humanis curis omnibus abdicauit, qui vitam ſuam omnem Deo dicauit, qui celeſtem in terris viuendi rationem coluit, qui charitate in homines, in Deum pietate ceteris omnibus preſtitit, qui diuinas leges omnes adimpleuit, qui ſuſceptæ Religionis iugum non exacte ſolum, verum etiam inuende tulit, qui præſcripta eius omnia ac mandata ſeruauit, cuius viæ ſanctitatem & ex actionibus eius nouimus, & ex innumeris miraculis comprobari quotidie videmus, ex quibus ego tametiſi

non-

nonnulla recensui, vix tamen eorum millesimam partem attigisquem Deus acceptissimum sibi aeterna beatitudine perfrui non obscuris indicijs, sed signis certissimis clarissimisque monstrauit, quem a Sanctissimis Patribus maioribus tuis Pio III. Pio V. Gregorio XIII. Pontificibus Maximis, Hispaniarum Rex ac potius Hispanja tota petijt in Sanctorum numerum referri: quem referendum Sacri Palatij causarum Auditores causa ab eisdem Pontificibus delegata viri sapientissimi, ac diuini humanique iuris peritissimi censuerunt. quem etiam ex hoc supremo Christiani orbis Concilio delecti Patres eadem causa diu multumque cognita ijsdē honoribus dignum iudicarūt. Eundem idem Philippus Hispaniarum Rex non minus re quam cognomento Catholicus Beati Didaci, tuaque gloria studiosissimus, enixe rogat, vt Sanctorum numero tandem adscribi declares, vt quorum in calo consuetudine fruitur, eorundem numero adscriptum in terris Ecclesia debitis honoribus ac laudibus prosequatur. Hoc si ab vllō ei Pontifice debebatur, abs te Pater Sancte precipue debetur, qui eandem Regulam coluisti, & eius vitæ imitatione ad istud humanarum rerum fastigium ascendisti. Hoc abs te suo quodammodo iure postulant p̃y viri omnes, qui eiusdem Regulæ contubernio vtuntur, ne huiusmodi quasi stellarum lumini, quæ e sancta ista domo emicant, ignoratione hominum, ac tenebris officiatur. Hoc abs te Toletana Ecclesia, hoc Complutensis petit Vniuersitas,

quæ

que tali Alumno merito gloriantur, hoc denique Hispani omnes optimum ac sapientissimum Regem secuti summis precibus obtestantur: tibi que atque huius Sanctæ sedi perpetuam beneficij memoriam & gratitudinem pollicentur.

15

194
136

ANTONII BVCCAPADVLI
Secretarij Apostolici, Sanctissimi D. N.
Sixti V. nomine, Responsio.



IN TVRNAM Philippi Regis Catholici postulationem de Beato Didaco, viro & vitæ sanctitate, & miraculorum copia, & magnitudine clarissimo in Sanctorum catalogum ascribendo dignissimam iudicat Sanctissimus Dominus noster perpetua Regis ipsius pietate & gloria. Qui enim curam, cogitationemq; omnem habet locatam & fixam in Catholica religione tuenda & propaganda, qui & semper antea, & hoc maxime tempore summis opibus contendit, vt deleta hæreticorum perfidia fides Catholica in veterem dignitatem, atque amplitudinem vindicetur, cuius omnia tum belli, tum pacis studia ad Dei gloriam referuntur, inque ea consummuntur; hunc censet Sanctissimus Dominus noster conuenire, de augenda etiam quodammodo cælestium gloria cogitare & postulare, (si ita videatur Romano Pontifici, cuius ea potestas, atque actio propria est) vt ei Viro, cui nihil fuisset in hac vita Deo charius, quique ipse Deo charissimus fuisset; is honos tribuatur, qui possit maximus adhiberi, vt Pontificis scilicet ipsius decreto declaretur, Sanctus esse ex eorum numero, quos Ecclesia quotidianis honoribus veneratur. Et beati quidem illius vita, ac miracula aliquot de multis nunc sunt diserta, & graui oratione exposita. Agit autem Sanctissimus Dominus noster Deo gratias immortales, quod tanta cum sui nominis gloria, cum Ecclesiæ lætitia, cum piorum fructu cumulet seruos suos summis virtutibus, velitque illos summa apud omnes

Psal. 150. &
67. B. Bernar.
in vigil. SS. Pe
tri, & Pauli.

nes in veneratione, atque admiratione esse. Laudatur Deus in sanctis suis, ac mirabilis prædicatur: proponitur auxilium ad implorandum; exemplum ad imitandum; segnities nostra ad accusandum, dum agnoscimus tanto nos illis inferiores esse, tamque longe ab illorum perfectione abesse. Sed facit rei magnitudo vt censeat Sanctissimus Dominus noster de Regis postulatione esse etiam atque etiam cogitandum, cumque suis fratribus deliberandum. Hortatur igitur eos, monetque, vt de actis Beati Didaci, quæ confecta sunt, quam diligentissime considerent: quodque ipse iam pridem facit, Deum orent, è cuius vultu debent hominis iudicia prodire, vt ostendat quid facto maxime opus sit, actionemque hanc omnium grauissimam totam dirigat ad suam gloriam, sanctæque Ecclesiæ suæ fructum, atque amplitudinem.

Psal. 16.



137 206
20


ORATIO
ANGELI BERGOMEN.
CARMELITAE DOCTORIS,
CONVENTVS S. MARTINI

REGENTIS,

DE DIVINAE SAPIENTIAE, ET BEATI
Hieronymi, Theologorum Bonon. Prote-
ctoris Pijssimi, laudibus. —

AD SAPIENTISSIMOS ET RELIGIOSISS.
*Sacri Collegij Theologos, in Cathedrali
Ecclesia habita.*

In festo D. Hieronymi, Anno Virginci Partus.
MDLXXIIII.



Bononia, Apud Ioannem Rossum MDLXXIIII.
Superiorum concessu.

34-10-F-12-

F. Alberti Draghae de Brixia Carmelitæ
Exalticon.

*Angelus en nobis de summo venit Olympo,
Angelico multis gaudia more ferens
Angelico namq; & dulci dum personat ore,
Angelicas laudes Hieronymi & sophiæ:
Angelicum montis Carmeli reddit honorem,
Angelica flamma replet vtrûmq; polum.*

F. Io. Petri Chizolij Riparolensis Carmelitæ.
Epigramma.

*Angelus ecce viam mortis qui deserit atra,
Dum lenat ad cælos abdita sancta Dei:
Nascitur inde sibi sacri cum nominis altas
Extollit laudes non moriturus honos.
Carmelus volitat: volitat? ALBANVS ille
Cardinei cætus magnus in orbe nitet.
Hinc deus exurgit fidei: hinc laus, hinc & honores
(Quid mirum?) apparent: Angelus iste fuit.*

F. Baptista Ferratij Riparolen. Carmelitæ
Exalticon.

*Si meritò laudes referens hic Angelus altas
Hieronymi Sancti clarus in orbe nitet:
Nec minus insignis Gularguantus redditur ipse,
Hieronymo laudes, dum dicat atq; sacrat.
Alter Hieronymum latè celebravit, & alter
Hieronymum celebrat, Hieronymoq; dicat.*

F. M. Ant. Surraldi Parmen. Carmelitæ.
Tetrasticon.

*Angelus hic terras diuino munere replet,
Angelicis verbis Hieronymum celebrans.
Angustus sermo totum funditur in orbem,
Angeli cætus fori in gna micat.*

MO. MO.
ILL. AC REV. D. D.
IOANNI HIERONYMO
ALBANO,
SANC. R. E. CARDINALI
AMPLISSIMO,

VIRO VITAE INTEGRRIMO,
 Scientiarum Doctiss. virtutum omnium clariss.
 humaniss. D.suo, Patronoq; Optimo.

F. Io. Bap. Guarquantus de Soncino Carmelita Lector. S. P. D.



V M ardentis desiderio tenerer, Am-
 pliss. Cardinalis, morem gerere
 permultis hanc orationem efflagi-
 tantibus, quam in D. Hieronymi
 natalitijs, de eiusdem sancti, ac sacræ
 sapientiæ laudibus, Bononiæ coram
 celeberrimo præstantissimorum hu-
 ius inclytæ Civitatis Theologorum
 Collegio, in Cathedrali Ecclesia
 piè, disertè, & eleganter habuit,

Reu. admodum, ac præclarissimus Doctor, P. Angelus Ber-
 gomen. Carmelita Theologus, Gymnasij nostri Moderator &
 Rector vigilantissimus; ipsum profectò Authorem adij, summis
 pulsans præcibus, ne suum hunc mihi partum impertiri graua-
 retur, voluntatiq; meæ permittere vellet: qui quidem & si (quæ
 sua est modestia) renueret, amico tamen roganti, id tandem
 denegare non potuit. Cum igitur Doctissimi viri, fortunam præ
 lo dignam acceperim, totus continuo gaudens, Typographo
 cudendam deruli, eamq; suo nomini Ampliss. dicendam non ab

A 2 re du.

re duxi; non modò, vt quæ sunt sapien:tiæ, Hieronymiq; lau-
des Hieronymo Sapientissimo sacrarém; sed etiam vt Oratori
satisfacerem, certò sciens me hac in re illi optimè satisfacturũ,
si orationem eius, tuo commendatam Illustriss. ac Reuerendiss.
nomini in publicum emitterem, quem suorum laborum nihil
e suis manibus nisi sub tui tutela egredi velle cognoui; te enim
numinis cuiusdam loco haber, ac veneratur. Nec me obsecro
temeritatís aut arrogantiæ vitio arguas, quòd nominis tui cel-
situdinem his meis literis interpellare ausus fuerim; in cau-
sa fuerunt, & tua singularis erga studiosos beneuolentia, & in-
numeræ tuæ virtutes, quæ me magnopere incenderunt; Nam
eas apud omnes, Angelus iste noster annuntiat, atq; ita annun-
tiat, vt te quàm clarissimum omnes venerentur, & ad amorem
atq; obseruantiam tuam mirum in modum trahantur, quos in-
ter, ego nemini concedo, aliquando sperans te in posterum ani-
mum erga te meum cogniturum. Interim Deo gratias habeo
immortales, & mihi vehementer gaudeo, quòd ex doctissimi,
& eloquentissimi viri honestis laboribus mihi data fuerit occa-
sio, atq; argumentum ad te scribendi virum longè amplissimũ,
atq; maxima scientia, maxima probitate, maxima gratia, ornatissi-
mum. Tantum me respicias oro, dum te ad vicem Dei Opti-
Max. colam perpetua quadam obseruantia, & venerabor, nihil-
què vereor, quin me suscipias & foveas. Vale Christianæ Reli-
gionis rutilissimus propugnator, opratusq; præstò beatiss. viue.
Bononiæ, Pridiæ No. Octob. MDLXXIII.

Errata grauiora sic corrigito.

pagina. 5. a lin. 23. excellendas, lege, excolendas. pagi. 5. b lin. 1. vana,
lege, varia. pagin. 6. a lin. 9. ad, ab. pagin. 8. a lin. 10. punitus, munitus.
pag. 9. a lin. 11. exorret lege, exhorret. p. 9. a l. 12. processio, proces-
sus. p. 9. a l. 14. illam, vllam. pag. 9. a l. 13. edocarunt, edocucere, &
p. 9. b l. 29. Arabos, Arabes. p. 9. b l. 32. in, vt. p. 10. a l. 2. vvnatiũ,
versari. p. 10. a l. 5. ceteris, exteris. p. 10. a l. 19. principium, principẽ.
p. 10. b l. 19. sola, sita. p. 10. b l. 21. sacra, facit. p. 11. a l. 1. saluberrim-
um, saluberrimo. p. 11. a l. 32. quendam, quondam. p. 11. b l. 5. ethio-
pian, Aethiopian. p. 11. b l. 13. hinc floreba, tunc florebant. p. 12. a l.
17. resentiret, præsentiret. p. 11. b l. 21. eccelsũ, excelso.



VOTIES in his rebus, quas varias, & imbecilles, fluxibilesq; concernimus, pluries omni eloquentia elatos viros defecisse meminimus: & animo mecum sepe numero in his quas causas humiles & humanas cognoscimus, in frequenti tot sapientissimorum patrum corona qualē hic astare in-

tueor Hortensii, Tullij, Periclis, & Demosthenis robur quandoq; exudasse conspicio: non possum equidem non admirari vehementer penē inevitabile periculum, in quod hodierna die me incidisse uiderem; nisi humanitatis vestra clementia ingenij mei, collapsas vires, & succumbentes humeros subleuaret. Quis enim tantam maiestatem non formidaret? Quis tot sapientiæ luminibus reffertas sedes has hornatissimas non perhoresceret? Cui tam spectabili, & clarissimo oratori altissime rei dignitas, cuius munus infirmis humeris meis hodie desumpsi vires, omnino, & penitus non subtraheret? Ecce unico intuitu, in icū oculi scientias omnes & artes, hic astantes concerno. Ecce totius ciuitatis Bonon. studiorum matris insignis sapientia refedit. Ecce hic toto terrarum orbe celeberrimi huius almi Collegij maiestas tota refulget. Tractanda ardua res est altissima adeo & diuina, ut pro sua dignitate & excellentia tractata, ad longum usq; volumen excrederet. Quis vero, qualisque sum ego, qui inter tot ecclesiasticos secularisq; dignitatis multiplicibus coronis coornatos viros, ad quos hoc munus iure merito spectare videbatur de tam difficillimis cælestibus, de Dei (intelligatis) Opt. Max. reuelatis archanis silentibus cunctis facere verba, nulla orationis auctoritate, nulla peritia, nulla dicendi præditiis exercitatione contendo? Inter doctissimos, doctissimē

Erissimè, inter sapientissimos sapientissimè, inter eloquentissimos eloquentissimè, ea differere oporteret; sed à rei nobilitate, à dicendorum graui pondere uires opprimuntur: laudandi superabundat materia, sed prae rei excellentia, deficiunt verba: res praconiorum insignium, immensum acceruum, subministrat obiecta; sed uniuersam ingenij humani praestantiam ab omnibus transcendere iudicatur. Omnia certè hac timorem non modicum, nec dissimulandum animo meo ingerunt, sed postea cum me ad humanitatem & benignitatem uestram reffero, nihil est quod in hac re, vel de sapientia uestra, aut de ingenio meo diffidam: Si enim pluuia gutta, si dies seculi, si maris arena, si sydera cæli, si arborum frondes, si virentis terra flores dinumerari possunt: possunt & sapientiarum omnium sapientia, & scientiarum scientie praconia recenseri. At horum utrunq; nequit. Potius namq; uniuersum totum amplecteretur, Oceani vasti termini clauderentur, leuia deorsum, graua sursum monerentur, quam possent doctrine sacra, & Dei scientia omnia praecedentis, rationes inuestigari. Vnus est altissimus creator omnium omnipotens, rex potens, & metuendus nimis, sedens super thronum illius, & dominans Deus. Quamobrem si partius alicui quam sacra theologia exposulat dignitas dicere videbor (ea enim est, ne vos diutius morer, quam extollendam hodierna die desumpsi) non sum existimandus rebus defecisse, sed verbis, cum grandes materias, ingenia parua non sufferant.

Ineffabilis quippè est dignitas eius, & eius nobilitas inenarrabilis, cuius praestantia, nec cognita, cuius nec uisus splendor, nec explicata laudes à priscis illis oratoribus unquam fuere, cuius excellentia Oraculorum omnium auribus inaudita, cuius difficillima, & alta processio uatibus abscondita, cuius admirabilis uirtus,

Cuius

cuius inaccessibilis inuentio, cuius mysteria imperscrutabilia ab aliquibus poetis nusquam fuerunt calebrata: Eius dignissimum habitum, nec acutissimi illi natura primi indagatores inuenire, nec sui archana profundissima philosophi sapientissimi ingenij sui uiribus unquam attingere potuerunt, imò sempiterno tempore, totius humani generis cæcum latuisset, nisi e cælo decurso temporum spatio, aduentu seculorum plenitudine, ea ipsa delapsa, ille diuinus sermo, à regalibus sedibus, & illud æternum Omnipotentis Dei verbum ab arce inuisibilis patris demissum fuisset, qui totum terrarum orbem, à mari usque ad mare, à flumine usque ad terminos eius, ea hac diuina sapientia aduentu suo collustrauit: nec ad eam exquirendam perpetuò uires nostra sufficere ualuisent, nisi illam ignobilibus, idiotis, & simplicibus uiris, sanctissimis nempe Apostolis, & post ipsos fidei nostra optimis cultoribus reuelare spiritui sancto placuisset: Inter quos ueluti doctorum insignis corona præfulget Hieronymus ille sanctissimus, huius almi Collegij nostri Protector Pissimus, qui omnibus optimis artibus, & disciplinis refferatus, ei splendorem & decorem non parum contulit, cuius vitam angelicam, mores honestissimos, exempla probatissima, laudes integerrimas uobis omnibus qui adestis, Doctores Celeberrimi, una mecum hodierna die intueri liceat; in qua Catholica, & orthodoxa pia mater Ecclesia, à fine usque ad finem terræ totius Christiani gregis, eius natalem colit. Et nos potissimum tanti patroni presidio muniti, eius uirtutes debemus & gesta uenerari, ut quemadmodum hunc sibi tutorem præ cæteris peculiarem elegerunt maiores nostri, ut uita sue normam, regulam, & probatissimum exemplar haberent, talesque cum eo esse studerent, quales & haberi uellent: Ita & nos, eiusdem uestigia insequentes, ab eorum rectissimæ uoluntate

luntate diffidere minime videtur : omni enim virtutum
enere fuit decenter ornatus , omni sanctitate reple-
us , religionis cultor , pietatis norma , castitatis specu-
um , innocentie via , scelerum persecutor , bonorum mo-
rum exemplar , sanctorum Apostolorum imitator , fi-
dei tandem , spei , & charitatis , disciplina , qui die ac
nocte iureiurando vita sua cunctis diebus in diuinis
scripturis exercitatus , omnem sibi Domino infundente
Spiruum Sanctum vindicauit : sibi Domino infundente
quidem , non proprijs uiribus (ut ipsemet ad Paulinum
scribens testatur) altitudinem diuinarum sapientia &
scientia Dei gustauit : Nam in scripturis sacris , in sacra
Theologia , sine prauo , & monstrante semitam ingredi
non ualemus , spiritualis enim est , & reuelatione in-
diget , ut intelligatur . Est sicut liber in Apocalipsi se-
ptem sigillis signatus , quem si dederis homini scienti
litteras ut legat , respondebit tibi , non possum , signa-
tus est enim . Quanti nouissimis temporibus heretico-
rum duces , & antesignani omnium hominum , quos alma
parens tulerit natura pestilentissimi ? Quot Lutheri ,
Carolstadii , Oecolampadii , Melanctones , Vicleuisti quo-
rum malleus Thomas Valdensis , putant se nosse litteras ,
sacra scriptura sensus penetrasse , Theologia sancta , sancta-
que doctrina mysteria intellexisse ? qui tamen tenuerunt signa-
tum librum , & tenent usq; modo , nec aperire potuerunt ,
quia ille ipsis non aperuit qui habet clauem Dauid , qui ape-
rit , & nemo claudit , claudit & nemo aperit . Nec eius aperi-
tionis , & intelligentia difficultatem mirari debetis , ex sola
enim hac Omnipot. Dei voluntate dependent , unde nec angeli
ipsi , nec illa simplicis natura intellectuales mētes eius ua-
tutem immensam , abditq; mysteria naturali simplici-
tate sua intelligere potuerunt : fortasse ne mysteria gra-
tie à quibus ortum habet diuina & supercelestis hac sa-
pientia

pientia nostra ex se tanquam ex naturali cognitione dissolu-
 re ualuerunt? Nequaquam optimi Patres, nequaquam Ape-
 ruit illis Deus, aperuit & nobis; reuelauit illis, reuelauit &
 nobis; cognoscant illi, & nos cognoscimus; uident illi, & nos
 uidemus super naturali cognitione, & beatifica. Visione cla-
 ra cognoscunt ea in Verbo, quod est ipsamet sapientia Patris,
 quia sunt apud clarificatum Verbum; sed nos nudum ab
 hac mortali carne seiuncti, in enigmatibus, & similitudi-
 nibus, tanquam per speculum intuemur. Claro lumine
 uident, quia clarum habent, nos obumbrate, quia obum-
 bratum lumen habemus. Quid ergo mirum Doctores ce-
 leberrimi si in celebrando non nostram dicam, quia non
 nostris uiribus, sed Dei sapientiam, quia ab eius sola bo-
 nitate reuelatam deficere uiderer? Habet enim in se ma-
 iestatem tantam, tantamq; sublimitatem prestantissima
 hac omnium liberalium artium sapientia, ut cum eam no-
 minamus, id quo dignius, nobilius, & excellentius excogita-
 ri non potest dicere uideamur; in cuius sublimi uertice in-
 tellectus humani uires quiescere cernuntur, ultra quam hu-
 manam pariter & Angelicam cognitionem progredi non li-
 cet. Multae quidem diuersis temporibus artes & scientiae, na-
 turali lumine adinuente à superna illa diuina bonitate sue-
 runt nobis elargitae mortalibus, ut ad eas excelsendas tan-
 quam in proprium intellectus obiectum rationalis creatura
 accenderetur, in easq; ueluti in sibi ostensum finem supremam
 & nobilissimam potentiae suae omnes actus dirigeret. Quae qui-
 dem si oculis cernerentur (diuino credite Platoni) incredibi-
 li pulchritudine admirabiles sui amores excitare ualerent:
 Sed Deum immortalem, quantum ab illius munificentissimi dato-
 ris intentione secessit? In proprijs namq; uiribus derelicta mul-
 toties ab illius prestantissimi numinis, diuinique principij tra-
 mite deuiant, ut plurimis erroribus illaqueata, a per-
 fecta sui nobilissimi finis cognitione distraeta uideretur.

B

Vnde

Vnde tot vana, ac diuersa philosophorum de natura ab-
ditibus, de providentia, de anima, de tempore, de mo-
tu, de rerum generatione, de beatitudine dogmata pro-
fluxerunt, quæ usque in hodiernum diem ea hac diuina
reuelata sapientia neglecta, vanis solum, dialecticisque
argumentationibus innixa tanquam e veritatis fonte e ma-
nantis, à multarum sectarum ducibus fulcita compre-
henduntur. Quamobrem circum terras assidue vagan-
tes mortalium sensus in omne celestium archanorum fla-
gitium impulsos miseratus, à quo omne datum optimum,
& omne donum perfectum desursum omnium luminum
pater, nimia sua liberalitate, post multorum seculorum
decursum spacia humanas has artes sapientia sua reuela-
ta perfecit, vera scientiæ præsidio munuit vallauit, &
ita sacra hac nostra Theologia corroborauit, ut amplius
nisi voluntaria quadam perfidia, ut heretici errare ne-
quimus. Quæ ab orbe redempto quinquagesimo secundo
die à Christo passio in atriis ubi erant Apostoli congregati,
facto vehementi repente de cælo sono spiritu sancto in igneis
linguis super eorum capita descendente, eosque linguarum
omnium idiomata docente, & sibi cunctarum artium scien-
tiarum & disciplinarum generibus miraculosè infusis, ad-
mirantibus vniuersis desuper ab illa increata sapientia
qua dum discretos homines reddit tempore non indiget,
docenda & predicanda prius iactis fidei nostræ huius
sacra doctrina fundamentis duodecim, iuxta duodena-
rium Apostolorum numerum, in fines orbis terræ longè
lateq; est diffusa. Quæ errorum antiquorum tenebras fuga-
uit, humanarum scientiarum nexa persoluit, errata
correxuit, recta confirmauit, mentita patefecit, verita-
tem ostendit, & illuminauit mentes hominum; Illa ex
nihilò, nihil, ista verbo Domini, cæli firmati sunt &c.
Illa fieri non potest, ut motus habeat ortum aut occasum,
neque

neque item temporis ullum principium, aut extremum esse potest. At gravissima auctoritas doctrinae sanctae, cuius testimonio fidem non habere nephas est, & impium omnino, clarissima voce canit, & expresse: In principio creavit Deus caelum & terram: proficitur illa mundum incorruptibilem, ista docet, Caelum, & terra transibunt: Ille à privatione ad habitum non est regressus: Ista, & mortui resurgent incorrupti. Cuius tandem auctoritas irrefragabilis omnium ad ortu mundi philosophantium sola fide defensa uniuersa natura mentita peremit. Abhuius sanctitate abhorrentia peripatetica disciplina principis perpauca quadam multi cum reperissent non ad sacram doctrinam extollendam, sed deprimendam, non ad edificandam sed destruendam non pietate quam haberent erga fidem, sed odio affecti naturales scientias, Aristotelisq; philosophiam, tanquam moralium certissimam pestem ab hominum animis propellendam existimarunt, sicuti nequissimus Lutherus, & eius sequaces edocuerunt, sed nunquid ob hoc aut illa negligenda, aut ista sola appetenda? Nunquid aut illa vana, aut ista superflua? Nunquid illa male & ista perfecta? Nunquid illa nostra perditio, & ista nostra salus. Nunquid illa omnino à fine deuiant, & ista sola finem ostendit. Nunquid à nostra societate illa exterminanda & ista solum amplexanda? Absit. Audite huiusmodi viros (Patres eruditissimi) à magno antistite Gregorio Nazianzeno acerrimè reprehensos, itidemque appellatos οὐκ εὖ καὶ ἀπειθῶν quod rudes sonat & imperitos sed (O execrabile hominum genus) insaniore & impudentiores quidam surrexerunt, qui e contrario vestigio illius admirabilem omnium rerum scientiam amplexati diuinumq; ingenium admirantes, cetera cuncta ab eius institutionibus discrepantia, nec vera esse, nec probabilia facile iudicarunt. Hinc fuit quòd diuina humanam praeponentes

sapientiam, ad maximam inscitiam perducti, usque eò pec-
caverūt, ut Christianam religionem, superstitionem manife-
stam, doctrinam sacram fabularum inuentiones explicata
ē onie iudicarent, eiꝝ temerario ore contrairēt. Quid?
non ne quò solī sapientes, solū ueraces & doctrina peripate-
tica germani iudicarentur interpretes, quamplurimi stul-
titia & arrogantia elati, Dii immortales fuerunt reperti,
qui (ut dicitur) primis labris uix philosophiam delibantes
se nudato gladio fidei nostræ, Christianæq. religionis ter-
ribiles hostes sunt professi. Quid non fecisset maledicus
Porphyrus, pertinacissimus Celsus, & quamplurimi alii
euangelicæ ueritatis oppugnatores acerrimi, quorum alter
seruido animo, ei cum scriptis, tum dictis, & uia uoce ad-
uersus, alter uerò quindecim aduersus religionem nostram
editis uoluminibus non parum damni attulissent, nisi alteri
eorum triginta apologeticis libris à Methodio, Eusebio, &
Apollinario Christiani nominis pro uiribus omnibus suis tu-
toribus indefessis, alteri autē ab Adamantio Origene quāplu-
rimis ex philosophia, & sacra doctrinæ penetrabilibus desum-
ptis rationibus responsum fuisset? At his in fide stabiles,
quasi intermedii & temperati successerunt Christianissimi
uiri, qui nascentis ecclesiæ primorum patrum imitatione
contenti, Aristotelis sanæ doctrinæ salutare iudicium adhi-
bentes, quæ parū illius cū Theologia nostra cōueniebant, mi-
rabiliter repudiarunt, & quæ ad ueritatis agnitionem, na-
turæq. abdita intelligenda pulcherrima & utilia cernebant,
non minus sapienter retinuerunt, quam prudentissimè ap-
probarunt. Unde postea sic philosophiæ studium cum Theo-
logia coniunctum, non parum decoris, & utilitatis Christi-
ana religioni attulerunt, nam quicquid homo extra didice-
rit ex gentiliū libris si noxiū est in Theologia damnatur,
si utile est in Theologia inuenitur. Et cum ibi quisque in-
uenerit omnia, quæ utiliter alibi didicit, multo abundan-
tius

rius ibi iuueniet ea quæ nusquam omnino alibi, sed in sacra-
tantummodo scripturæ mirabili altitudine, & mirabili hu-
militate discuntur. Sicut enim argentea, aurea, & pretiosa
nasa, ac uestes Aegyptiorum ex Aegypto translata Hebreis
profuerunt, sic scientia ex libris gentilium collecta, utilis
est, si diuinarum scripturarum scientia comparetur, quo-
niam Philosophi qui uocantur, si quid fortè uerum, & fidei
nostræ accommodum dixerunt, maximè Platonici, non solum
non est formidandum, sed ab eis sicut ab Aegyptiis Ha-
brer, auri, argenti, & uestis, copia etiam tanquam iniustis
possessoribus in usum nostrum est uindicandum. Et nos sicut
reges ex longinquis regionibus aurum, thus, & myrram des-
ferētes, Regi sempiterno offerre debemus, uel sicut mercatores
prudētissimi ex exteris prouinciis merces pretiosissimas de
uehētes ad usum Christianū accommodare. Sic u. fecerūt fidei
sanctæ multi boni cultores. An nō uidetis egregii Patres, quā-
to auro, argento, & ueste suffarcinatus ex latinis exierit de
Aegypto Hieronymus sanctissimus, doctōr suauissimus, qui
ueluti aliter fidelissimus Moses, non solum Aegyptiorū, sed om-
nium gentilium philosophorum in omni scientia eruditus du-
ce Christo de societate gentilium exiens omni eorum doctri-
na oneratus liberales disciplinas usui ueritatis aptiores,
ad usum iustum predicandi Euangelii transtulit. Nonne
aspicitis quantis ornamentiis & uestibus indutus Dei samu-
lus ingeniosissimus Augustinus de gentibus ad fidem trans-
migrarit? Quantis Ambrosius? Quantis Gregorius ma-
gnus? Quantis Lactantius? Victorinus, Optatus, Hilla-
rius? Vt de uiuis taceam: Quantis innumerabiles gra-
ci? Basilus magnus, Gregorii duo aliter Nicenus, aliter Na-
zianzenus, Chrysostomus, Damascenus, Origenes, qui ueluti
nascēti Christo, reges nascēti ecclesiæ aurum, thus, &
myrram, de gentilium scriptis obtulerunt, & in Christi ob-
sequium reddiderunt. Inter hos floruerunt Aquinates, Sco

ti, Egidij & Carmeliticae familiae Cirilli duo, alter Episcopus Alexandrinus, alter montis Carmeli praebiter, Ioannes Baecconitanus, & frater eius cum eorum magistro Guidone de Carmelo, Tomas Vualdensis, Gerardus, & Michael ambo de Bononia, Baptista duo, quorum alter ferrariensis, alter mantuanus, Petrus Thomas huius almi Collegij Doctor primus, & ceterorum talium utriusq; lingua innumerabilis turba, qui tot pretiosissimas merces à philosophorum exteris prouincijs ad christianorum usum adaptauerunt. Qui profecto si secularium artium diuinæq; philosophiae studium contempsissent pulcherrima illa monimenta non reliquissent, quae cum tanta sapientum omnium admiratione & stupore, ad sacrae scripturae cognitionem, maximè quam scolasticam appellamus, splendidissimumq; reuelatae sapientiae lumen ita praefertunt, ut facili quadam uia ad diuinorum arcanorum notitiam dirigimur, & tuto quodammodo itinere in caelestium mirabilium propè in uia sacraria perducimur. Pereat ergo Lutherus, Huttenus, Bucerus, Sickingus, & tanta utilitatis nostra fidelium Lethales hostes, & valeant omnes artes & scientiae, cum omnes ad unum primum principium, ad unam eminentissimam causam, ad unum immobilem motorem, ad unum efficiens principale tendant, à quo Caelum, totaq; natura dependet, qui est Deus benedictus, quæ ex professo reuelata sola sapientia nostra speculatur. An nescitis, (ut earum utilitatem non taceam) Patres optimi, harum ipsarum firmissimis rationibus cōtra sacram Doctrinam erecta per multa Hæreticorum Dogmata euersa, & in nihilum redacta fuisse? Quomodo enim tempore Theodosij Imperatoris & Celestini primi, magnus ille pater Carmelita Cirillus, qui primus permiscuit philosophiam Aristotelicam scripturis sanctis, in Concilio Ephesino praesidens Nestorium confutasset? Iuliani Apostatae & ceterorum hæreticorum errores sicuti in gestis tertia Synodi Ephesinae inuenitur

uenitur elisisset, nisi ei Aristotelis philosophia familiaris
 fuisset? Quomodo Origenes ille adamantius qui primus
 iuxta prouerbum, in diuinis scripturis elucidandis, quasi
 glaciem scidit, & posteris magnum aditum patefecit, a Va-
 lentini, & eius familiaris Heracleonis, deridenda heresi
 & errore Ambrosium reuocasset? Quomodo perfido Celfo
 respondisset & multis alijs Catholice veritatis terribilis
 hostibus qui passim in suis scriptis, veluti ipsius Martis in-
 frangibilibus telis consternati cernuntur, nisi huiusmodi ar-
 mis punitus extitisset? Quomodo à sacro & acutissimo ar-
 chidoctore Augustino, veluti ab altero inuicto Hercule pel-
 lagiae Hydra capita combusta fuissent, nisi philosophica
 stipitis consumans ignis adiunxisset? Quomodo nequissi-
 mo Arrio, cuius dogmata solum Dialecticis, sophisticisq;
 rationibus innitebantur à sanctissimis Patribus in Concilio
 Niceno, os obtusum fuisset, nisi eis Dialectica, et cetera scien-
 tia fauissent? Videor videre illum, in medio tantorum vi-
 rorum, antea huiusmodi deceptionibus aduersus Petri peri-
 clitantes nauem, veluti alterum iratum Eolum vela tamen
 tem, & sicut secundum Neptunum in Mineruam, in sapien-
 tiam istam excitantem ferocissimos equos, quasi ibi congre-
 gatorum fidelium unitam synodum depressurum & una se-
 cum totius fluctuantis ecclesie fundamenta prostraturum,
 illum me postea videre vellem vos omnes depresso capite
 incedentem, derisum, & tanquam ipsius veritatis manife-
 stissimum hostem, cum magno & pedum & manuum ap-
 plausu e medio Concilij expulsus; Et unde hoc illi? nisi quia
 prius corona antistitis illius sacro sancta Synodi philoso-
 phie studijs, & gentiliū doctrinis incumbere non licebat,
 vnde rationum suarum falsitatem, quæ omnes ferè illis di-
 ciplinis, innitebantur, non animaduertebant, sed postea
 illis à Sanctiss. Pontifice Syluestro concessæ magno postulante
 Constantino illius argumenta deriserunt; habent enim inter
 se

se scientia ista & affinitatem quandam & miram connexionem ut una ad aliam quodammodo referatur; licet omnes ad unam principaliorem, nobiliorem, et digniorem, quae est sacra theologia ordinentur, earum namque omnium doctrina sancta dignitate excellit, sicuti ancillarum suarum Regina nobilitate excellere videmus, Regit ista, reguntur ille, Ille ab ista indicata non indicant, haec ab illis non indicata indicat. Ille finem Deum Op. Max. a longe demonstrant, ista finem attingit. Ille ancilla, ista Domina. Ille mentiri possunt, ista nequaquam. Ille acquisita & inuenta, ista reuelata. Ille philosophos mendaces, ista Deum ueracem praeciptorem habet: quae inter nobiles nobilissima, inter ueras uerissima, inter honorabiles honorabilissima, inter dignas dignissima, inter utiles utilissima, inter bonas optima indicatur: super scientias cunctas, super sapientias, super artes, super disciplinas, super caelos, & super creata omnia, quae sola inter omnes hoc privilegio gaudet ut non intellecta, non intelligentis mentem & animum demulcat. In illis legere & non intelligere negligere est; in ista legere & non intelligere quandoque delectare est. Quid admiramini? An non uidetis Candacis Reginae, Eunuchum Aethiopum super aurigam legentem Esaiam prophetam? legebat, nunquid intelligebat? nequaquam, audiuit ipsum: quomodo possum si non aliquis ostenderit mihi? legebat, non intelligebat, & tamen mira delectatione tenebatur, librum tenebat uerba Domini cogitabat, lingua uoluebat, labiis personabat, & ignorabat eum, quae nesciens in libro uenerabatur. Quid taceam Hieronymum principem nostrum, quem tantum tenuit sacrae scripturae mira iocunditas & oblectatio, ut ab eius suauitate post insurandum factum, post ante iudicem accepta uerba, post secularium librorum detestationem, post philosophorum gentiliū improbationem, nunquam potuerit diuelli? O felix tanti uiri, & salutare insuradum, per quod nobis tot uirtutum insignia pullularunt. Quid mirabilius?

In illis si credimus, ignoramus, quia earum credere est igno-
 rare; in ista si credimus, intelligimus, & sapimus, quia eius
 credere, intelligere, & eius non credere ignorare est. Hanc
 Plato diuinus ignorauit, hanc doctus Aristoteles nesciuit,
 hanc acutissimus Pythagoras non nouit, hanc nemo morta-
 lis inuenit, qui fecit omnia nouit illam, & adinuenit eam
 prudentia sua; Nobilitatem & dignitatem eius quis enarra-
 bit? Alta est, & tamen cum ea stat profundi abyssi dimen-
 sio, Humilis est, & tamen eius humilitas altitudinem cæli
 transcendit: Magna & eccelsa, & tamen eius magnitudi-
 nem, exorret latitudo terræ: Posterior est, & cum eius poste-
 rioritate stat ante omnes alias eiusdem præcessio: Altissi-
 me speculationis est, & eius altitudo nec sexum, nec statum,
 nec ordinem, nec dignitatem ullam abhorret. Ad opus diri-
 gi, nec tamen scientiæ finem amittit. Istius rationem si aspi-
 ciamus humillime, sunt & infima humana scientiæ, & tamē
 earum humilitatem vani philosophi verbis adeo obscuris,
 & phrasi ista sublimi tradiderunt, ut vel a paucis uix intel-
 ligatur, & cum ea stat etiam veritatis dubitatio. At sacra
 theologia altissima adeo & sublimis est, ut eius mirabilis al-
 titudo, humanarum mentium uires transcendat, & tamen
 eius sublimitatem, ita humillimis verbis, ita rudi (ut ita
 dicam) eloquio, & claro nos educarunt, ut mentibus nostris
 per fidem sanctam imprefferunt catholici Patres ut facilli-
 ter omnes percipiant, ab omnibus cuiuscunque secus acqui-
 ratur; huius totius scientiæ fundamenta omnia prima di-
 gnitates, axiomata, prima principia à Deo solo reuelata, do-
 ctos pariter & indoctos, sapientes simul, & insipientes non
 latet, ea muliercule sapiunt, infantes discunt, paruuli docēt,
 omnes tueniunt; resurgat ab inferis Aristoteles, & docebitur
 a mulieribus. Ea enim est de qua dicitur: Perdam sapien-
 tiam sapientum, & prudentiam prudentum reprobabo, uera
 sapientia ista perdidit sapientiam apparentem antiquorum

C phyllo-

Philosophorum. Vera prudentia prudentiam creditam ve-
rum Imperatorum reprobavit: Ea est de qua totidem ad-
uersus tyrannos Catholici eloquii vehemens illa tuba Pau-
lus apostolus gloriabatur quando dicebat: Arma nostra mi-
litie non carnalia sunt, sed potentia Deo, ad destructionem
munitionum, cogitationes destruentes, & omnem altitudinē
extollientem se aduersus scientiam Dei, & captiuantem om-
nem intellectum ad obediendum Christo, & parati subiuga-
re omnem inobedientiam, assurgant huic omnes scientie, hanc
venerentur omnes sapientia, acquiescant omnes artes. Quis
potest eius singulas laudes recensere? qui numerat multi-
tudinē stellarum & omnibus eis nomina vocat, quae scimus
loquimur quae possumus dicimus, quae Dei sunt spiritus Dei
nouit. Sapientes uisi sunt philosophi, sed docti & non re ue-
ra sapientes extiterunt; Religionem enim quae perpetua, &
indissolubili nexu sapientiae adhaeret minime habuerunt; ve-
rum enim uero fuerunt & sapientiores illis theologi, & re ue-
re sapientes, quia & omnia, quae illi, & praeter ea plura alia,
quae ignorarunt scire meruerunt, & quam ipsi non habebant,
cum sapientia religionem adiunctam habuere, a qua oritur
omnis vera sapientia, quae est (iuxta diuini Lactantii dogma)
cognoscere & colere ipsum Deum. Hanc philosophi fere om-
nes in toto uitae suae cursu quaesierunt, & totis viribus insu-
dantes conati sunt acquirere eam, sed nec comprehendere,
nec tenere potuerunt, & minus inuenire, quia religionem
vel paucam, & illam prauam retinuerunt, aut totam peni-
tus abstulerunt. Ad quid enim putatis Pythagoram, Archi-
tam, Platonem, Apollonium magnum laboriosissime Aegi-
ptios, Elamitas, Caldeos, Syros, Phenices, Arabes, & multas
alias nationes peragrasse, provincias multas lustrasse, maria
transisse novos populos adyisse, amore indaganda religionis
incensos, nisi in earum gentium ritus, & sacra cognosceret
ut qui multorum rerum scientiam habebant, religionem
quoque

quoque ipsam perficientem aduiscerentur, in qua ueram sapientiam uenturam suspicabantur, ad Hierosolimorum tamen imperium, ad quod facilius ire potuissent, nequaquam accesserunt, quod diuina providentia factum arbitrari debemus, ne ueri Dei cultus in ista & religio ceteris hominibus, quibus nundum fas erat, innotesceret; statuerat enim ab eterno ascriptus Deus Op. Max. decursis omnium Prophetarum temporibus, expletis omnium oraculorum dictis, ultimo seculo appropinquante sophum magnum cœlitus mittere, qui toto terrarum orbe à iudeis ablata in credulis, in quibus tunc regnabat exteris gentibus reuelaret, que quidē cum religione ita nexu coheret indissolubili, ut ab illa, ista, uel ab ista illa diuelli non possit, nam ubi alterum adest, utrumque uerum esse necesse est, quia & in sapientia cultus & in cultu sapientia uersatur. Quomodo enim sapientes si non colentes? aut quomodo colentes si insipientes? ibi ergo sapientia cum religione coniungitur ubi Deus colitur unus, ubi uita, ubi mores, ubi actus, ubi opera, ad unam summam, ad unum caput, ad unum principium refertur? Et ubi hoc nisi in christiana religione, in sancta ecclesia ubi sunt idem doctores sapientie, qui & Dei sacerdotes? nec nos moueat quod aliquando Philosophus aliquis suscepit Deorum sacerdotium cum non coniungatur philosophia, cū religione, sed cesset inter sacra philosophia, & religio cum philosophia tractatur; insipientes ergo philosophi, quia irreligiosi, sapientes theologi, quia religiosi, idcirco in religione sapientia, in sapientia religio est: sapimus quia colimus, colimus quia sapimus. sapientiā insequitur, amor, religionē timor, sapientia filios, religio seruos respicit. Amamus Deū per sapientiam, quia filij, timemus cum amore quia serui, Amamus cum timore, timemus cum amore, si amamus sine timore in elationem si timemus sine amore in desperationem incidimus, iungantur simul timor & amor, sapientia & re-

religio perfecti sumus. Non potest igitur à religione sapientia
 nec a sapientia religio separari; Idem enim est Deus, qui
 debet diligere, quod est amoris, & coli quod est timoris: Idem
 est, qui debet intelligi quod est sapientia, & honorari, quod est
 religionis. sapientia praeccedit, sequitur religio. Prius cognosci-
 mus, posterius colimus. Si ergo philosophi nun cognouerunt,
 quomodo colere potuerunt? & si non coluerunt, quomodo sa-
 pientes fuerunt? In his itaq; duobus nominibus sapientia
 & religionis vis una sola est, quamvis diuersa videatur,
 quorum alterum in sensu, alterum in actu positum est. sunt
 sicut duo riuus ab uno & eodem fonte manantes: unus sa-
 pientiae & religionis fons est Deus, a quo hi duo riuus, si
 aberrarint ardeant necesse est; Quem qui nesciunt, nec sa-
 pientes, nec religiosi esse possunt. ergo soli sapientes,
 soli religiosi sacri theologi, qui ab hoc inexhausto sa-
 pientia, & scientia fonte nunquam aberrarunt. sola
 theologia vera sapientia, sola sapientia Christiana re-
 ligio, omnibus sapientis sublimior, omnibus scientis per-
 fectior, omnibus artibus utilior, omnibus disciplinis incun-
 dior; Cuius sublimitas creatorem nedum creaturas ut phy-
 losophia sacra attingit; Charitatem ne dum fortitudinem,
 iustitiam, & alias virtutes ut moralis assequitur; Cuius
 perfectio se habentibus, magnam suae beatitudinis par-
 tem acquirit, quae in diuinæ essentiae contemplatione consti-
 tit. Cuius utilitas non opes corruptibiles, aurum & ar-
 gentum, sed immortalitatis caelorum incorruptibile regnum
 nanciscitur; Cuius incunditas amaritudinem nescit, tedium
 non habet, sed gaudium confert & magnam cum immor-
 talitate letitiam. O ter quaterq; beatum virum, qui in sa-
 pientia ista moratur, per quam diuinam substantiam con-
 templatur, amicus Dei efficitur, ad regnum perpetuum
 deducitur, similis creatori redditur, beatitudinem, gau-
 dium, & sine fine letitiam acquirit, felix qui caput hoc
salu-

saluberrimum fonte de loco voluptatis militantis ecclesia emanante immergit, ex quo hauritur aqua salientis in vitam aeternam maxima copia. Quid nobis Celeberrimi Doctores) de sapientia de religione, ex quibus semper sacrorum theologorum collegia constituerunt, videtur sanctissimi Hieronymi, imò iccirco felicissimi & beatissimi, qui iurejurando avidissimè ex hoc fonte potavit, quod postea abundantissime fudit? sitiuit divinam hanc aquam, quam cum tanta voluptate gustavit. Hinc scaturierunt tot sapientia fontes, hinc tanquã e sacro paradiso quattuor emanantia flumina processerunt doctores sanctissimi, Hieronymus, Augustinus, Ambrosius, Gregorius, qui doctrina sua saluberrimis undis, totius orbis oras ab ortu ad occasum, ab aquilone & mari, longè lateq; irrigarunt; Miratur omne seculum Augustini ingenium, stupeant omnes Ambrosii gravitatē, percurrat Gregorii facilitatē, sed cum facilitate ingenio, & gravitate Hieronymi sapientiam & religionem mirentur, quarum altera, in eo humanam dignitatem transcendit, altera angelicam naturam adequat, in cuius pectore omnes liberales artes, omnes scientia & prestantiss. maxime sacrarum litterarū doctrina, patrios (ut ita dicam) penates sibi ab ineunte eius aetate consecrarunt. Eius religionē tot frequentia ieiunia, tot corporis macerationes, tot diuturna orationes, tot psalmodia, tot solitudines attestantur. Sapientiā vero nulla lingua humana facile explicare potest, cum qua sapientia partes in multis, dispersa fuerint, in eo uno fuerunt aggregatae: Miramur in Tulio eloquentiam, in Demostene efficaciam, in Pericle uehemētiam, in Hortensio copiam in Isocrate suauitatē, At eorum singula haec in uno Hieronymo experimur, quē cernimus uelut sydus unum in firmamento militantis ecclesiae positū, cuius splendor illuminat mundū, & lux fulget quasi in perpetuas aeternitates. Miramur quendam magnū philosophum Apolloniū Persarum regionem iurasse

homp

caucasi

caucasi alta cacumina montis pertransisse, extrema India
 epulantisima regna penetrasse, tandem paradisiaco physon
 amiae transmissa ad Bracmanas pervenisse, ubi arcem in
 trono sedentem aureo audiret. Et inde per multas regiones
 Aethiopiam perexisse, ubi Gymnosophilas & famulissimam so-
 lis mersem videret in sabulo; sed quomodo non magis Hie-
 ronymum aspiciamus Aegyptum, Graciam, Palestinam, totam
 Syriam, Caldeam, & fere totius orientis oras perlustrare, ut
 libros quarumcunque linguarum & haberet, habitos eno-
 tueret, evolutos intelligeret, intellectos memorie mandaret
 nec non viros illustres & insignes alloqueretur, quorum fa-
 ma a longe cum illic perducere posset, & ei sicuti cupiebat
 eveniret: qui enim hinc florere ait Catholicæ fidei. Altiores ma-
 ximos viros, & vidit & alloquutus est, ac multas ab eis ve-
 ritates de Christiana religione perdidicit, quod sibi ad ma-
 ximam gloriam ascribit, & multum de eis in scriptis suis
 recundatur. Ab adolescentia sua patriam relinquens, Ro-
 mam tunc omnium bonarum artium & disciplinarum di-
 ferissimam se contulit, ut ad quæ capescenda miro quodam
 ardore anhelabat facilius assequeretur, ubi per aliquot an-
 nos laudabiliter litteris vacans omnibus disciplinis, & li-
 beralibus artibus est imbutus, plenè litteris tum grecis tum
 latinis, tum hebraicis fuit eruditus. Non vulgaribus sed
 tunc fama & litterarum eruditione celebrioribus adhæsit
 præceptoribus Donato & Victorino, a quorum altero Gram-
 maticam, ab altero Rethoricam perdoctus est, qui die ac no-
 cte in huiusmodi studiis exercitabatur ita ut de die Tullium
 de nocte Platonem audiret, legeret, adeo ut ciceroniani potius
 quam Christiani nomen sortiretur. An meministis, N. Ro-
 ma iudicem talis nominis vocatione in faciem eius ste-
 sisse, imo ob id diutissime cadendum tradidisse? Sed quantum
 postea a seipso miratus est, O saluberrima verbera. Iurat
 deinde se nunquam amplius seculares Codices habiturum,

quod

quod postea opere adimpleuit, ab ea enim hora semper avidissime sacrarum scripturarum lectioni studuit, semper in illis exercitabatur, ubiq; inveniēbas quod adisceret, ut semper proficiens semper se melior fieret. A Deo nundum natus ab utero matris suae ad sanctam Ecclesiam fuit vocatus. Ad hoc praeservabatur, ut ecclesia Cardo poneretur, ad eius fores suffulciendas. Si enim a Deo sacra ut sunt profecto, quomodo non à Deo Hieronymus erit? qui a sacri baptismatis regeneratione sacri nominis appellatione refulsit. Quā absurdum fuisset prophanis sacra misceri? Decuit ergo qui sacro nomine fulgebat doctrina sacra vacare, ut sacra sacris, non sacra prophanis admiscerentur, in quibus ita floruit, ut inter eiusdem doctores sapientia saltem primum locum facile sibi vendicaret. Nec mirum vobis videri debet de tanti viri intelligentia, cum adeo circa omnium disciplinarum genera diligens inquisitor fuerit, ut nullum in qua vis facultate congruente doctorem excellentem resenti-
ret, quem licet longissimo locorum tractu distantem adire, audire, alloqui, & ab eo aliquid de quo sitibundus erat arripere noluerit. Testes sum magnus Gregorius Nazianzenus, Apollinarius, Didymus, & quam plurimi alij, ea tempestate, doctrina insignes viri, a quibus multa tum viva voce, tum dictis, tum scriptis didicisse non erubuit, imò de tantorum praeceptorum lectione gloriatur, quos magistros habere non contempsit. Hinc est quod humanam naturam transcendens, & fere angelicum adequans intellectum, in omni facultate summum apicem attingit, unde postea in lucem prodierunt tot claritatis luce radiantia volumina, tot Dialogorum & Epistolarum libri, tot Conciones & sermones aurei, tot quaestiones ardua soluta, tot Haeticorum dogmata impro-
bata, tot sacrae scripturae ardui textus dilucidati, tot fidei Christianae religionem concernentes sententiae solidatae, tot libri expositi, tot translatis, tot primorum Patrum dicta cor-
roborata,

roborata, ut facile totius occidentalis ecclesiae fundamenta
 per ipsum iacta conspiciantur. Quid ergo mirum, si tantis
 virtutibus numen hoc corruscans veluti iubar clarissimum
 maiores nostri huius almi Collegij nostri institutores, patro-
 num peculiarem, praeteris tot sanctae matris Ecclesiae ful-
 gentibus sydoribus elegerint & praelegerint, ut sibi & poste-
 ris nobis alijs omnium virtutum exemplat relinquerent?
 Tales esse debent Christiani Theologi, maxime huius almi
 Collegij Bonnien. qui hunc ante oculos sibi statuerunt
 imitandum, tanquam ante se supra Candelabrum aureum
 lucernam ardentem, cuius luce & splendore omnem uitae
 suae cursum & studiorum suorum seriem luce clarius intu-
 rantur. Dies me profecto deficeret, si quos peperint Hiero-
 nymi sapientia & religio, quae apud eum semper plurimum
 valuerunt, singulos virtutum fructus recensere uellent, &
 quos adhuc uiuens edidit, & quos nobis post mortem reli-
 quit, adeo ut non immerito Cardinalis dignitate donatus,
 post liberium Pontificem maximum summo sacerdotio ab-
 omnibus fuerit acclamatus. Et ne eius singula merita per-
 terram & dona, omnem sibi spiritum sanctum vindicauit,
 quo proximam excelsam & immortalis Deo in caelis sedem pa-
 raui, quam eius patrocinijs & meritis gloriosis interceden-
 tibus, post huius corporis dissolutionem, ille nobis largiri
 dignetur, qui regnat & imperat per omnia secula seculo-
 rum.

E I N I S.



218
CONCIO HABITA
C O R A M S. D. N. 149

SIXTO V. P. O. M. 21

DOMINICA PENTECOSTES
ANNO M. D. LXXXIX.

PER LICENTIATVM DOMINICVM
Leon de Alaua Theologum, Illustrissimi ac Reue-
rendissimi Marci Antonij Cardinalis Colum-
næ familiarem, necnon Congregationis
Indicis Consultorem.

34-10-F-12-



PERMISSV SVPERIORVM.

ROMAE, Apud Franciscum Coattinum. M. D. LXXXIX.

W. D. M. S. D. M.

SIXTH EDITION

THE NEW YORK PUBLIC LIBRARY

ASTOR LENOX TILDEN FOUNDATION

THE NEW YORK PUBLIC LIBRARY

ASTOR LENOX TILDEN FOUNDATION

1009 Broadway, New York

1900

1900



THE NEW YORK PUBLIC LIBRARY

ASTOR LENOX TILDEN FOUNDATION

1009 Broadway, New York

S V P E R H A E C V E R B A.

Factus est repente de cælo sonus, tanquam aduenientis spiritus vehementis, & repleuit totam domum ubi erant sedentes, & apparuerunt illis dissipata lingua, tanquam ignis, seditq; supra singulos eorum, & repleti sunt omnes spiritu sancto, & ceperunt loqui varijs linguis prout spiritus sanctus dabat eloqui illis. Act. 2.



Ostquam^a Salomon Rex sapientissimus, (Pater Beatissime)* Templum illud sumptuosum magnificentissime construxerat, tam insigni structuræ arte & perfectione fabricatum, tot gemmis atque margaritis clarissimis, aureis poculis, pretiosis vasibus & ornamentis locupletatum, ut pulchrius, seu præstantius aliud excogitari non posset: quippequi omne suæ sapien-

2. pa
* S
liter

tie studium, regnique potentiam, in insigni illius ædificij fabrica impendere nõ dubitarat. (Nec quid maius dici posse crediderim) vtrūq; enim cum maximū esset, quorum alterū, altero magis^b Reginam Saba in admirationē traduxerit, non facile discerni potest. Cum itaque hæc diuina domus, pro Regis debito & humana facultate perfecta; præsentia solum maiestatis Dei diuinitus expectaret absolui. Iam enim arca fœderis, quæ legis tabulas continebat, cum omni paratura tabernaculi ad oraculum templi ibi fuerat collocata, Sacerdotibus centum & viginti, byssinis vestibus, & ornamentis indutis, cum leuitis ac reliqua populi multitudine, coram Rege adfundēdas ad Deum preces & vota simul omnibus congregatis, cum dulcissimo musicorum cantu, vocum ac fidium concentu, aduentū Domini vnanimiter spectantibus: Ecce repente impleta est domus Dei nube, ita ut sacerdotes stare & ministrare non possent, impleuerat enim gloria domini domum Dei.

3. re

Tunc omnis, populus & turba, silens & tacens stetit intenta. At sapientissimus Rex, animum ad præteritorum memoriam reuocans, illumq; c^e apparendi modum gratissimum domino sepiissime extitisse reminiscens, ac propterea sub nube & caligine a se suer

Exc

oraculum ostensurum promississe plenus gaudio, hilari vultu, ingentiq; perfusus lætitia, cum populum a se benedictum tum etiam sacras ædes, diuino latenti numini, copiosissima oratione protegendum obtulit, & atque illius diei solemnitatem, hymnis, orationibus canticis, innumerisq; musicæ instrumentis, ac victimarum generibus, per septem continuos dies, singulis quoq; annis, cum magna lætitia, celebrandam instituit. * Non aliter profecto verus ille Salomō, imo plusquā Salomon ille, s' filius Dauid filius Habraham, postquam viuæ constituendæ Ecclesiæ^h sacram inuiolabilis petreæ firmitatem, æternum iecerat fundamentum, super quod Ecclesiastici ædificij altitudo confurgeret: postquam discipulos suos, in præstantissimas Columnas crexerat, quibus diuina domus suffulta immobilis vndique permaneret: postquam amborum parietum, (quos forsam duo illa sanctissimæ crucis ligna repræsentabant.) seⁱ angularem lapidem, (quem reprobaue-^{runt} ædificantes) tanquam totius ædificij clauim, expansis hinc inde manibus, in caput anguli constituerat: postquam præciosissima sacramenta, (velut vasa gratiæ aurea) tam ad agni immacu-^lati hostiam, quā ad peccatorum expiationem necessaria, excellentiæ suæ auctoritate condiderat: postquamⁱ Pontificem summum creauerat, atq; Ecclesiæ sacerdotes instituerat: postquam in ea sacrosanctum Dei tabernaculum, (in quo non legis tabulæ sed ipse legislator omni potens continebatur) ^m corpus suum & sanguinem mirabiliter collocauerat: ac tandemⁿ mundans eam la-^uuacro aquæ in verbo vitæ, gloriosam sibi Ecclesiam, non habentem rugam neque maculam, ^o nouam, descendantem de coelo a Deo paratam sicut sponsam ornatam viro suo, gloriosis merito-^rum suorum ^p monilibus decorauerat, ^q cum essent omnes disci-^opuli pariter in eodem loco, (erat enim turba hominum simul fe-^rre centum & viginti) splendenti & candido^o iustificationis bys-^osin^o vere induti, ^p promissum spiritum sanctum, vno omnium ani-^omo deuotissime spectantes, vnoq; ore poscentes: Ecce^u repente de-^ocato sonus, tanquam aduenientis spiritus vehementis & repleuit totam do-^omonem^o ubi erant sedentes. &c.

O ineffabilem sancti spiritus aduentum, o fidelium inestimabile beneficium, o præstantissimā legis Euangelicæ excellentiam. Tunc enim tanquam in lege timoris, iustitiæ & vindictæ, in præuento quodam aduentu, nullo prius cognito nuntio aut signo, stanti populo, sub nube & caligine: (que sæpissime timorē incutiunt) la-

tens & occultus apparuit dñs. Nūc autē in lege amoris * libertatis
 & gratiē quia ⁊ non accepimus spiritum seruitutis iterum in timo- *Iac*
 re sed spiritum adoptionis filiorum Dei, in quo clamamus aba pa- *Et*
 ter, sed et̃ibus discipulis magnum, certe tranquillitatis signū, in cla- *Rom*
 rissima gratissimaq; lucē venientem iucundissimus praeuenit so-
 nus. Tunc etiam, quoniam noctu deambulantibus nocturno ha-
 bitu & vestitu incedendum est (sicut communis vsus hominum
 iam recepit) quia lex illa nox, vmbra, ac ⁊ figura futurorum erat, *i. c.*
 nube & caliginē quasi nocturnis vestibus venit indutus. Nunc *Rom*
 autem subsecuta luce & splendore veritatis, quando ^bnox praeces-
 sit, dies autem appropinquauit, in diuina claritate atque in specie
 fulgenti voluit apparere. Tunc praeterea tanquam in sterili atq; in
 infecunda hyeme, quando glacie & frigore omnia rigēt, omniaq;
 marcescunt, nebula ac nubibus, radiis solis frequentissime opposi-
 tis, sub nube & caliginē venit, vt omnia illius legis sacramenta *ad c.*
 & egona esse vacua & infirma elementa aperte ostenderet. Nunc
 autem, tanquam in fertilissimo vere, quando feraces agri, segetes
 spicis abundantes vberibus, plantae florum suauissimo odore fla-
 grantes, arbores dulcissimis fructibus copiose menses, flores, ac
 fructus suos hilares vnicuique proferunt, nullique manum exten-
 denti quidquam denegant, imo singulari quadam pulchritudine
 & venustate, velut muta quadam lingua, tacitisque verbis omnes
 ad capiendum inuitant, nunc (inquam) quādo iam ^dhyems transi- *Car.*
 siit, imber abiit & recessit, floresq; apparuerunt in terra nostra, ac
 ficus protulit grosos suos, quoniam omnia sacramenta vberimos
 gratiē fructus in se continent, ac digne accedētibus copiosissime
 conferunt, tanquam in splendidissimis, ac fecundissimis solis ra-
 diis, omnia claritate lustrantibus, suaeque fecunditate complen-
 tibus, in linguis igneis caelestia super discipulos diffundens mune-
 ra visus est. Tunc tandem tanquam in lege obscura, in qua ^eolim *Heb*
 Deus patribus in prophetis, in somnijs per figuras, seu inuisione *Nu*
 per parabolas, velut in aenigmatibus loquebatur, quasi consulto
 vellet, vt latenter & tacite sub verborum obscuritate compres-
 sa misteria seruarentur, vt euidentes non viderent & intelligentes
 non intelligerent. propterea latenter & tacite descendente Domi-
 no, omnis etiam populus & turba silens & tacens stetit intenta. *Esa*
 Nūc autē quādo ^hloquutus est nobis in filio, in lege clara ex pre- *Luc.*
 sa, ac toto orbe notissima, reuelanda paruulis, & a pauperibus pu- *Hel.*
 blicanda, in linguis igneis, cum caelesti sono, descendente do- *o*
 mino.

mino omnis sacra discipulorum turma, loquebatur varijs linguis;
prout spiritus sanctus dabat eloqui illis. Verum enimvero legem
illam, soli populo hebreo latam, sola materna lingua doceri opus
erat: hæc autem quia perⁱ vniuersum mūdum, omni creaturæ,^k ab
vnius gentis, & nationis magistris prædicanda venerat, eos omni
sciētia, omniq; linguarū facultate imbuī postulabat. Et si gētibus,
quæ superbia elata, turrim contra Deum edificare conatę sunt,
vna materna lingua confusa est: his qui profunda humilitate fun
dati, vniuersalem gentium, atq; exterarū nationum Ecclesiā, Deo
ædificare volunt, omnia genera linguarum diuinitus ælargiantur.
Et si illis, ad idololatriam declinantibus, diuersitas linguarum in
strumento fuit, eisdem ad vnius dei cultum reuocandis, earun
dem linguarum donum, subsidium fore necesse est.

Si ergo P. B. ex typico illo dñi aduentu, tāta populi lætitia obor
ta est, tantum gaudium, tantaq;alachritas redundauit: vt præ ani
mi gratitudine, nulli musicorū instrumento pepercerint, nullumq;
exultationis signum reliquerint, itaut^m bobum, viginti duo millia
arietum autē centum viginti millia, ad sacrificium, & victimas vix
suppeterent; nos in hoc præstantissimo, sēlicissimoq; sancti spiritus
aduentu, quo Ecclesiam sanctam, tot tantisq; cummulauit mune
ribus, quo gaudio, qua lætitia, quaue animi gratitudine exultabi
mus? Ceterum si hæc est, sacrosanctæ matris Ecclesiæ laudabilis
institutio, hoc vere pietatis obsequium, gloriosa sanctorū merita,
perpetuis præconijs, & laudibus, in corū natalitiis extollere, toto
corde gaudere, atq; honorifice celebrare: quanto feruentius, ho
diernæ festiuitatis misterijs, ad hanc deuotionem illecti, & inflam
mati rapiamur integrū erit, quibus sancti spiritus, diuinæ bonita
tis & misericordię opera protestantur, a quo sancti omnes, tanquā
ex peremni, bonorū omnium fonte, virtutes hausserunt & merita?
vnde enim constantiam martires, vnde virgines continentiam, vn
de confesores perseuerantiam, nisi ab hoc diuino spiritu, gratui
to quodam dono & munere receperunt? Namⁿ si diuisiones gra
tiarum sunt, idem autem spiritus, diuisiones ministracionum sunt,
idem autē dominus, diuisiones operationū sunt, idem vero Deus,
qui operatur omnia in omnibus. Idem (inquam) spiritus, quem
propterea & dñm, & verum Deum, Apostoli, testimonio confite
mur, quod licet illum, a patre & filio persona distinguit, immensa
tamen bonitas, & essentia nullatenus separat, quia^o ii tres vnum
sunt: ipse dator munerum, beneficiorum largitor, donorumq; est

optimus distributor. Quare de sanctorum triumphis, monumentis, & gloria, simul & lætari, & huic diuino largitori gratulari debemus. Propterea si perspicuum est, in collatis beneficijs quanta sit laus, cum in acceptis tanta sit gloria: dum sanctos viros, quos iam super omnes cœlos, virtutum accepta beneficia extulserunt, nos iterum, illos usque, nostris laudibus efferre nitimur, sanctificantem ipsos spiritum, qui eis & meritorum munera, & præmiorum gloriam, in beatitudinis felicitate donauit, quo digno laudum genere celebrabimus? Si dum illorum festos dies aniuersarios agimus, qua animi alacritate possumus, velut eorum gaudemus gaudium: quamuis temporalem vitam, cum æterna vereque beata commutantes, gratissimo nos suo consortio ac societate priuarunt: in spiritus paracliti, egregio magnoque paschate, cuius suauissimus, optatissimusque aduentus, per maxima & pretiosa nobis promissa donauit, ut per hæc, diuinæ efficeremur consortes naturæ, qua lætitia perfrui, quibus gaudiis, seu grati animi monumentis, exultare oportebit?

Omnis quippe humana facultas (Illustriissimi Principes) ad tantam habendam gratiam, quanta debetur inops est, nedum referendam. Erumpant ergo, erumpant præ lætitia lachrimæ, procedant simul & voces, quibus ab eodem diuino spiritu, condignum gaudium, debitamque gratiarum actionem imploremus. * Atque ut idem ipse spiritus, fons gaudij, ac plenum lætitiæ Dei donum, per cordibus nostris, per charitatem infusus, magna nos, sui spiritualis aduentus alacritate perfundat, (qui ut vera Dei templum si habitat in nobis sat est,) pro tot musicorum generibus, & instrumentis, vnum decem cordarum Psalterium, diuinis auribus iucundius pulsemus. Delectatur enim, & gaudet dominus, in illo dechalogi decem fidium instrumento, consona charitatis concordia resonante. Et quis dubitat, quin melior, ac suauior, actionum quam vocum concentus sit, ac bonorum operum, dulcior quam sonorum armonia? Ac pro tot bobum, atque arietum victimis, vnum sacrificium laudis melius, alterum cordis contriti, & humiliati præstantius, reliquum agni immaculati Christi, omnium præstantissimum offeramus, beneficentiæ, & communionis memores, talibus enim hostiis promeretur Deus.

LIBRERIA NAZ.
ROMA
VITTORIO EMANUELE